


Centimetres

Inches

**TIFFEN** Color Control Patches

© The Tiffen Company, 2007

22-6523  
67629731  
=9



黟縣志卷九

政事志

邑宰之治有民人焉有社稷焉凡理



庠序旌別淑慝皆政之大者至於潔染盛釐族姓時杠

梁勤溝洫考祥異卹孤終無非分內事也余承乏茲土

稽前代之舊章際

聖恩之醲霈典守之事爲件系之將隨時省覽焉

戶口

田地

賦役

倉儲

城垣

坊市附

公署

驛傳附

學校

書院

義學會附

坊表

祀典

祠堂

有引

橋

梁塘場

祥異蠲賑

養濟

義冢

戶口


周時民數分屬地官秋官屬地官者今徭役屬秋官者今保甲也獻民數於王屬司寇者徭役容有脫漏保甲必有實數聖人忠厚之意於茲可測國家久道化成太和蒸被滋生人丁永不加賦歲稽保甲知休養之功益以知生息之盛有德此有人是為政之本也故敬志之自漢丹陽郡至晉欽州戶口總額載於諸史縣之分隸迨宋以後始有可稽詳覈前聞為甄錄焉

漢丹陽郡

晉書作丹楊注云丹楊山多赤柳在西

領縣十七戶十萬七千五

百四十一口四十萬五千一百七十一



後漢丹陽郡領縣十六戶十三萬六千五百一十八口六十三萬五百四十五

吳新都郡領縣六戶口未載

晉新安郡領縣六戶五千

宋新安郡領縣五戶一萬二千五百八十八口三萬六千六百

五十一

隋歙州領縣三戶六千一百五十四

唐歙州舊領縣三戶六千二十一口二萬六千六百一十

七

天寶中領縣五戶三萬八千三百二十六口二十六萬

九千一百九永泰元年冬十月丁亥分宣歙饒戶口於

秋浦縣置池州

元和中領縣六戶一萬六千七百五十四

宋歙州領縣六天禧中黟縣主戶六千二百一十六口一

萬七千九百七十四客戶四百三十三口五百三十七

宣和中改歙州為徽州紹興中黟縣未經界前戶一萬

二千三百六十五經界後戶九千四十一

乾道八年黟縣主戶五千九百有一客戶一千八百六

十八

端平中黟縣戶八千三百三十六口一萬九千三百四

十七

天徽州路領州一縣五至元十九年黟縣戶七千五百二

十七

至元二十七年黟縣戶四萬五百有五口十九萬五千

三百二十一

明徽州府領縣六洪武四年官給戶由分軍匠民醫儒僧

尼道士等黟縣戶共四千八百一十六口二萬一千一

百九十三軍戶一百八十七口一千三百四十匠戶二

百九十六口一萬八千一百五十一醫戶三口一十五

五

洪武九年本府再取勘得軍匠民醫儒僧尼道士等戶

內醫儒僧尼道士與民一體差役故總類於民戶併軍

匠戶黟縣共計戶五千七十九口二萬一千六百四十

二軍戶三百二十二口一千四百一十九匠戶二百八

十四口一千四百九十六民戶四千四百二十八口

一萬八千六百五十三醫戶三口十五儒戶

三口八僧戶三十五口四十六道戶四口五

洪武二十四年戶六千三百八十口二萬二千有一

永樂十年戶四千八百八十五口二萬六百六十四

天順六年戶三千六百二十六口二萬四千五百八十

七宏治府志云男一萬四千八百九十八女九千六百

八十九孫縣志作戶四千六百八十六口數亦同

一男一萬五千五百四  
十一女九千二百

宏治五年戶三千六百三十口二萬六千一百一十七

民戶三千一百五十四軍戶一百二十六匠戶一百一十四醫戶三陰陽戶一僧戶十道戶五校尉力士戶五

寄莊戶二百一十二

嘉靖四十一年戶三千八百八十七口二萬四千七百

九十九

萬曆十年

府志孫志俱作九年今依明志

戶四千三百三十二

孫志作三十一

康熙時通志亦作一且作嘉靖四十年今依明縣志覈算定

口二萬六千四百五十

軍戶一百二十六匠戶一百一十四民戶三千八百六十五儒戶三陰陽戶一廉惠倉戶四校尉力士

戶五僧戶七道戶五寄莊戶一百九十八

國朝徽州府領縣六順治二年黟縣編審成丁一萬六百

五十六

孫志作五十一乾隆元年通志云審增二千三百六十五丁實在一萬三千二十一丁除審增

數應從五十六

順治十四年人丁一萬一千四百二十八

康熙十一年人丁一萬二千二百五十七

康熙二十一年人丁一萬二千三百三十四

康熙三十五年人丁一萬二千八百二十

康熙五十年黟縣編審成丁一萬二千八百二十九內

除優免四百四十三丁實在當差人丁一萬二千三百

八十六嗣於康熙五十一年二月壬午

諭將直隸各省現今徵收錢糧冊內有名人丁永為定數嗣後所生人丁免其加增錢糧但將實數另造清冊具報

欽此康熙五十二年三月十八日

萬壽

恩詔海宇承平日久戶口日繁地畝並未加廣宜施廣大之恩共享恬熙之樂嗣後直隸各省地方官遇編審之期察出增益人丁止將實數另造清冊奏聞其徵收錢糧但據康熙五十年丁冊定為常額續生人丁永不加賦仍不許有司於造冊之時藉端需索用副朕休養生息之意

康熙六十年編審常額外滋生五十七丁

雍正四年奉

旨丁糧派於各地糧內以雍正五年為始先是康熙五十五年御史董之

燧請統計丁銀按畝均派部議不便更張至是始行安徽省每丁自五分至五錢一分九釐不等黟縣丁銀每

丁科銀一錢三分二毫有奇鹽鈔九釐四毫有奇均攤於地畝派徵

雍正九年編審滋生三百四十七丁

乾隆元年編審滋生三百一十一丁通志作滋生一百九十二丁其數反

減於雍正九年又康熙二十一年人丁一萬一千八百九十

一數皆減退未有實徵今皆不採

乾隆六年編審滋生三百一十三丁

乾隆十一年編審滋生四百四十八丁

乾隆十六年編審滋生一百二十丁

乾隆二十一年編審滋生二百五十二丁

乾隆二十六年編審滋生二百六十八丁

乾隆三十一年奉

旨罷五年編審例是年清查保甲戶二萬二千九百九十

三口十二萬六千一百四十五

乾隆三十七年奉

旨五年編審之例永行停止各省督撫每年年底奏報民數


穀數戶部核實具題付之史館

按衛籍軍丁與民籍不同向例亦五年一審嗣因賣富僉貧弊端百出乾隆三十七年改爲四年一審五十四年並將丁產一體編查造冊


嘉慶十五年清查保甲戶三萬三千六百有五口二十

四萬六千四百七十八

民戶三萬三千二百二十五屯戶三百八十計常額及優免外滋生二十三萬三千六百四十九口







十六百四十八  
四萬六千四百八十八  
嘉慶十正平...

田地

黔在萬山中其地故非沃壤然山地皆折田無偏苦之弊  
所患者田少耳歲收不給三月而昔人謂一年耕足飽三  
歲則古今戶口多寡之別也余讀前志蓋自羅鄂州之後  
黔田始有成數蔓羅補葺事使足徵戊申水患黔田沖壓  
者一百五十頃以次墾復開科願飛灑之弊小民或自甘  
為之日久乃為子孫累日加鉤稽得其端緒者十七頃餘  
嗚呼是何為哉志乘貴於前有徵於後可法趨本務寶稼  
穡者尚其念之

宋淳熙閒黔縣田園共九萬二千一百三十五畝經界為

三十三萬四千四百三十畝二角五十八步後增田十

畝

端平間黟縣四色田總計十萬四千六百四十八畝二

角一步九分五釐

元延祐二年黟縣經理自實田土三千五百孫志作三百誤八十

八頃八十六畝孫志作二畝下有三分誤八釐五毫內除係官公占

基地一十九畝四分今治地外有成熟官民田土三千五

百八十八頃六十六畝六分六釐五毫應八釐五毫數內有

糧額官民田土三千五百八十八頃二十四畝一釐五

毫應七釐六毫田一千二百三十六頃一十三畝六分七釐

七毫地三百六十九頃八十七畝七釐九毫山一千九

百八十頃八十一畝八分四毫塘一頃四十一畝五分

一釐六毫

明太祖吳國乙巳年查出元至正才八年自實後至吳甲

辰年黟縣官民田土三千五百八十八頃六十六畝六

分八釐五毫此數正田一千二百三十六頃五十畝四分

四釐六毫地三百六十九頃九千畝七分一釐七毫山

一千九百八十頃八十四畝六毫塘一頃四十畝五分

一釐六毫此數明志當有傳刊數目脫誤無從訂正存其舊文乙巳年改科官民

田土共三千三百二十六頃七十四畝三分六釐八毫

內除儒學不起科山二畝一分一釐五毫實徵田土三千三百二十六頃七十二畝二分五釐三毫田一千九十一頃四十八畝七釐四毫地二百四十二頃四十七畝七分三釐一毫山一千九百九十一頃五十五畝七分三釐六毫塘一頃二十畝七分一釐二毫  
洪武二十四年黟縣官民田地山塘三千四百一十六頃四十二畝二分八釐三毫  
永樂十年黟縣官民田地山塘三千四百二十五頃十畝一分七釐

天順六年黟縣官民田地山塘三千四百四十四頃二十八畝七分五釐六毫

成化十八年黟縣官民田地山塘三千四百五十八頃三畝七分五釐七毫

宏治五年黟縣官民田地山塘三千四百八十八頃三畝七分五釐七毫田一千二百七頃八十四畝五分一釐六毫地二百八十五頃六十八畝六分二釐三毫山一千九百九十三頃二十二畝九分八釐八毫塘一頃二十七畝六分三釐

嘉靖四十一年黟縣官民田地山塘三千四百八十八頃九十三畝五釐四毫

萬曆九年黟縣官民田地山塘三千四百九十四頃九十八畝九分三釐八毫田一千二百一十九頃二十三畝二分四釐八毫地二百九十九頃九十六畝七分六釐五毫山一千九百七十三頃九十七畝六分三釐八毫塘一頃八十一畝二分八釐七毫

國朝順治二年

孫志作十年二年誤

奉

諭本朝平定江南其土田規則悉用前明之舊以萬曆中賦額起徵六年奉文清丈旋復停止其田段步數畝角俱依萬曆時清丈者攤則後因科則重繁準依甯國府屬事例除田不折外其地山塘依前所納輕重折為實

田一則起科原額廉惠倉及儒學田共三頃三十三畝五分四釐二毫并民田地山塘總計三千四百九十四頃九十八畝九分三釐八毫每地一畝折田五分四釐五毫山一畝折田一分三釐塘一畝折田六分四釐為則凡黟縣田土得田一千二百一十九頃二十三畝二分四釐八毫地二百九十九頃九十六畝七分六釐五毫得折實田一百六十三頃四十八畝二分三釐七毫山一千九百七十三頃九十七畝六分三釐八毫得折實田二百五十六頃六十一畝六分九釐三毫塘一頃八十一畝二分八釐七毫得折實田一頃一十六畝二

釐四毫總計實田一千六百四十頃四十九畝二分二毫嗣於康熙元年復行清丈二年告竣田畝如額造簡明冊報部魚鱗圖冊存縣

### 賦役

催科政拙古爲美談此實握塵標元之餘習非儒者實事求是之言也賦役在周知人民土地之數我

朝厚澤涵濡農不違時地不愛寶山折實田力役歸地丁上德下究其事易舉黠地雖小亦經費所從出其帳籍非徒吏胥事也爰述舊章次往牒分爲三章一曰前朝賦役一曰額徵一曰出入新舊各款

黠在禹貢田爲下下洎秦隸鄣漢隸丹陽吳隸新都是時賦稅不可得詳其後專屬南朝田土益闢唐初制租調量地與人而賦粟帛至中葉立兩稅正賦之餘歲貢其六以

其四為常供大中時又罷冬至元日兩貢以充貧民租稅至五代割據徵斂益橫兩稅之外復有鹽麩解脚軍衫之輸上賦腴田稅錢至二千八百有奇而所入不過二石佃人食其三之一有田之家至無所得米其時陶雅方刺郡務重斂以媚楊行密而汪武據婺源婺源之民獨少息焉宋初均天下之賦罷方鎮無名之徵而三色雜錢卒未之減兩稅之科條繁或沿五季名曰南渡後有茶酒倉鹽商稅諸課月椿板二激賞絹折料場諸錢任土之貢為日至二十

宋史食貨志乾道六年知徽州郊升卿代還奏州自五代時陶雅守郡妄增民賦至今二百餘年比鄰境諸縣之稅獨重數倍而雜錢之稅科折尤重請賜蠲免九年詔徽州額外創科雜錢一萬二千一百八十餘及元認

江東兩浙運司諸處絹一元制夏稅茶租地租絲繇秋賦萬六千六百餘疋並蠲之粟歲貢之品四歲辦之課六其金鐵酒醋竹木香會之課頗不便於民明定稅為九式歲貢由舊洪武十五年正經界二十四年定民籍歲轉浙鹽給新安計戶賦鹽鈔當是時以徽地僻改徵輕齎易粟麥為金錢畝計銀四銖萬厯時以東餉加賦曰練餉又有采木使擾民徽地病之明自永樂額外坐派軍需宏治後復有不時坐派之名皆攤之丁田役法唐時謂之庸宋曰差役新法行有雇役明為均徭之制參用宋法民就役曰力差用之於郡縣輸錢官雇曰銀差用之於兩京及省道其朝廷大興發非歲役則別

派撥明初有里甲與收賦事勾攝郡縣官費曰歲辦閒歲一用曰額辦儲待不時曰雜辦及軍需坐派非常額之徵皆取之里甲里甲取之民糧長以糧多者充之收頭則分任軍需

國朝額徵之數康熙五十年除優免外黔縣實在當差人丁一萬二千三百八十六每丁徵銀一錢三分二毫三絲五忽七微三纖七沙八塵六埃總徵銀一千六百一十三兩九分九釐八毫四絲九忽一微三纖三沙九塵六埃雍正六年四年例五年辦為始丁隨田辦於成熟地內攤徵成熟地畝順治時田地山塘共折實田一千六百四十頃

四十九畝二分二毫每畝科銀八分三釐六毫九絲八忽八微八纖一沙四塵五埃四渺八漠其科銀一萬三千七百三十兩七錢三分四釐七毫一絲九微四纖七沙一塵五埃一渺五漠內除本縣廉惠倉儒學等官田共折實田三頃三十三畝五分四釐二毫每畝免科條鞭銀三分六毫六絲五忽九微九纖三沙四塵九埃共免銀一十兩二錢二分八釐三毫九絲六忽八微六塵四埃一渺六漠實科銀一萬三千七百二十兩五錢六釐三毫一絲四忽一微四纖六沙五塵九渺九漠併地丁銀總計丁田銀一萬五千三百三十三兩六錢六釐一毫六絲三忽二微八纖

四塵六埃九渺九漠

此係丁田正賦及折色物料其匠班銀詳出入新舊各款中又乾隆三十二年通行銀數以五毫為斷米數以勺為止所田畝凡一以免胥吏飛灑蒙混之弊截去小數誠為善法

畝科米一升六合三勺二抄二撮五圭四粟二粒七穎共

科米二千六百七十七石七斗除實徵本色兵米八十石

外餘米二千五百九十七石七斗折徵銀一千九百九十

兩一錢六分解藩庫糧道庫畝科黃豆八勺九抄九撮一圭二粟

五顆共科黃豆一百四十七石五斗折徵銀一百三兩二

錢五分亦解藩庫其鹽課額領浙引六萬二千三百七十二道

松所撥引一千四百十道其課由浙鹽政奏銷按黔鹽法可考者宋熙甯十年欵額二萬

七百九十貫二百五十七文太平興國中三司建議以欵近浙令就搬請每劬為錢五十至宣和未遣牙校往請涪

熙時郡學廊廡乃故官鹽場也紹興時黟課五千九百五十四貫七百二十文明洪武四年浙引發五千道至本府

招商五年又發一萬道六年本府繳回二千二百三十七道繼以抑配害民九月有旨罷之大明會典本府俱計戶

口倉鹽鈔其可稽者嘉靖四十二年黟縣秋稅附徵男子四千九百七十一口鈔二萬六千二百六十貫五百文婦女一

二千八百五十七口鈔一萬茶引八千五百道徵銀二十八兩五分

按茶稅宋時六權徽郡納真州無為二務科買宣和時改招商販元延祐黟茶租茶一畝鈔二百九

分四釐其歲額成熟田土夏稅茶租中統鈔三十五錠二

塘一畝科茶二錢後官點株數以十株抽一為額官茶一

株科芽二錢五分葉一兩七錢五分每劬折錢二百四十

文抵芽茶一百二十文抵茶葉

成化十八年始定茶引由課

出入新舊各款

折色起運正銀一萬一千五百四十九兩七錢三分一釐



二毫五忽六微三纖一沙九塵五埃六渺三漠損銀九  
 十六兩三錢二分三釐八毫二絲六忽七微八纖一沙  
 一塵八埃七渺五漠歲造緞匹物料鋪墊銀一百一十  
 九兩七錢八分八毫解役補平盤纏銀三十一兩九分  
 三釐一毫六絲一忽五微共銀一萬一千七百九十六  
 兩九錢二分八釐九毫九絲三忽九微一纖三沙一塵  
 四埃三渺八漠

戶部原編折色正賦地畝銀四千六百八十九兩八錢九  
 分三釐六毫六絲六忽八微損銀六十六兩二錢三分  
 八絲六忽解役補平盤纏銀一十七兩四錢七分四釐

九毫六絲二忽

歷年編審新增人丁共銀二百八十一兩八錢三分一毫

三絲六忽七微二纖九沙四埃

此條係乾隆三十一年孫志所收今存其舊文

舊改折銀硃等料正銀二百兩六錢一分四釐一毫九絲

七忽八微四纖三沙七塵五埃損銀三兩六錢六分二

釐一毫六絲二忽六纖一沙一塵八埃七渺五漠補平

銀一錢五分三釐三毫一絲九忽五微鋪墊銀四十三

兩七錢三分六毫

順治十八年新改折銀硃等料正銀一百一十九兩一錢

六分二釐一毫八絲六忽八微八沙六塵六埃三渺一

漠鋪墊銀六兩九錢七分二釐

順治九年裁府縣各官各役工食及本縣修宅家伙備各

上司行香紙燭修理察院置轎桌衣傘等二十五款共

銀二百五十九兩六錢

順治十二年裁本縣迎送上司傘扇銀八兩

順治十三年裁本府倉大使一員俸工銀四十二兩五錢

二分

順治十四年裁司道府各官朝覲進表俸薪工食考試廩

糧鄉飲桃符門神等十九款共銀三百一十五兩五錢

三分五釐八毫七絲五忽

康熙二十四年復廩糧今實裁二百七十四兩二錢二釐

五毫七絲五忽

又裁剩優免餘丁田糧銀二百四十七兩八錢

三分三釐七毫七絲二微五纖五塵三渺二漠

順治十五年裁本縣走遞差夫差馬銀一百一十六兩八

錢是年巡按停差裁俸給廩糧銀三十兩一錢七分三

釐三毫三絲解役盤纏銀六錢

康熙三年裁教諭一員俸王銀一百七兩九錢二分

十六年復

設教諭

康熙四年裁本縣朝覲官吏盤纏銀一十一兩三錢三分

三釐三毫

康熙五年裁儒學膳夫門子工食銀二十七兩二錢

戶工二部題準自康熙七年爲始將額設驛站銀兩照數  
儘本縣正項動支其別州縣協濟銀兩卽抵正項起解  
所有本縣原編協濟等銀應歸起運黟縣協濟池州府  
東流縣差夫差馬代解正項共銀一百七十五兩二錢  
康熙十五年酌裁走遞夫皂差馬及廩糧銀三百一十五  
兩八錢六分

歲造緞匹正閏銀二百七十九兩四錢三分鋪墊銀六十  
九兩八分解役盤纏銀一兩六錢織造紗料銀一兩三  
錢四分一釐七毫七絲四忽解役盤纏銀七分今裁

原解南京并裁剩府縣存畱各項撥補江北兵餉并解池  
陽營改解江北各營不足兵餉今解布政司正銀二千  
五百八十九兩三錢九分五釐二毫二絲八忽二微解  
役盤纏銀二兩九錢六分

額編操江兵餉協餉共正銀二百六十九兩解役盤纏銀  
四兩七錢四分今裁

禮部折色供應牲口藥材光祿寺果品共正銀一百四十  
七兩四錢八分損銀二兩六錢五分四釐六毫四絲解  
役補平盤纏銀一兩六錢四釐八毫八絲今裁

工部折色四司料價等項正銀一千一百三十九兩九錢  
四分一釐四絲損銀二十兩五錢一分八釐九毫三絲

八忽七微二纖解役補平盤纏銀一兩八錢三分虞衡  
司牛角正銀一百七十一兩損銀三兩七分八釐都水  
司歲辦梔子槐花正銀一十兩損銀一錢八分補平銀  
六分今裁

康熙二十一年裁徽甯道項下工倉銀三十三兩本色起  
運原編正銀一百三兩五錢八分八釐八毫八絲九忽  
二微八沙五塵八埃六渺一漠鋪墊銀五兩九錢三分  
七釐六毫損平銀四錢一分五釐二毫共銀一百九兩  
九錢四分一釐六毫八絲九忽二微八沙五塵八埃六  
渺一漠

戶部項下甲丁二庫銀硃八觔十三兩九錢九分一釐八  
毫一絲一忽五纖一沙五塵六埃九渺五漠每觔原編  
價銀五錢該銀四兩四錢三分七釐二毫四絲四忽九  
纖五沙三塵六埃一渺五漠賦硃十二觔八兩五錢四  
分九毫一絲八忽六微九纖七沙六塵七埃八渺二漠  
每觔原編價銀一錢九分該銀二兩三錢八分一釐四  
毫二絲四忽二微四纖七塵八埃四渺九漠烏梅四觔  
三兩四錢七分一釐五毫六絲一忽五微六纖八沙九  
塵九埃四渺二漠每觔原編價銀二分該銀八分四釐  
三毫三絲九忽四微五纖一沙九塵六埃一渺二漠

花青三十筋二錢九分五釐五毫一絲九忽一微二纖  
五沙七塵七埃六渺三漠每筋原編價銀三分該銀九  
錢五毫五絲四忽九纖八沙三塵六埃八漠桐油八十  
八筋四兩八錢八分三釐四毫八絲一忽三微九纖一  
沙四渺二漠每筋原編價銀四分該銀三兩五錢三分  
二釐二毫八絲八忽七微三沙四塵七埃七渺五漠錫  
二十六筋一兩三錢九分八釐五毫一絲七微四纖五  
沙七塵四埃九渺每筋原編價銀九分五釐該銀二兩  
四錢七分八釐三毫三忽六微五纖七沙五塵五埃二  
渺九漠六款原編鋪墊共銀五兩九錢三分七釐六毫

江南庫苧布三十六匹每匹原編價銀三錢該銀十兩八  
錢供用庫芽茶一百八十九筋五兩七分九釐七毫四  
絲四忽六微六纖二沙四塵五埃三渺五漠每筋原編  
價銀八分該銀一十五兩一錢四分五釐三毫九絲八  
忽七微二纖三沙三塵一埃二渺三漠黃蠟二百三十  
筋十一兩五錢七分九釐一毫一絲一忽九微一纖五  
沙一塵四埃三漠每筋原編價銀二錢該銀四十六兩  
一錢四分四釐七毫三絲八忽八微九纖八沙九塵三  
埃九渺二漠銀硃十二兩三錢九釐六毫七絲四忽八  
微四纖二沙七塵四埃五渺九漠每筋原編價銀五錢

該銀三錢八分四釐六毫七絲七忽三微三纖八沙八

塵三埃五渺八漠白蠟四十三觔四兩每觔原編價銀

四錢該銀一十七兩三錢

白蠟一  
款係一年本色一年  
折色年分損銀四錢

一分五釐二毫  
折色年分並解

今例黃白蠟芽茶銀硃等十七款並本色顏料麻觔

共科價銀二百七十二兩七錢三分四釐四毫分批

統解司庫分別採辦

漕米起運原編江南省西倉米三百六十五石耗平米三

十六石五斗給解役篩曬脚費銀一十四兩六錢江南

省水兌米二千二百七十六石二斗解役費五十七兩

八錢九分三釐四毫漕豆原編江南省供用庫本色芝

麻改徵黃豆一百四十七石五斗解役銀一十一兩八

錢今改折色解役銀俱於康熙十五年裁

原派撥徽州營兵米二百三十石今止徵本色米八十石

原撥新安衛江西幫運丁行月二糧米六百七十一石七

斗今該幫永裁前米扣存每年詳撥充兵糧以上徵給

本色外存米一千七百七十六石舊每年詳明批定時

價徵銀委官採買本色今共折銀一千四百四十二兩

八錢解糧道庫舊解糧道存米支給內派江陰衛大幫

安家月糧米五百四石二斗五升四合九勺廣洋衛後

幫安家月糧米一千二百四十六石江淮右衛幫安家

月糧米二十五石七斗四升五合一勺今裁

漕項起運銀一百九兩二錢此係經歷並縣吏書工倉銀一百九兩四錢之項後裁解

司康熙二年經解糧道撥給省衛不敷行月用

官役經費原編銀一千二十八兩六錢一分六釐本府經歷俸四

十兩門子一名工倉六兩皂隸四名共二十四兩馬夫一名六兩計七十六兩本縣知縣俸四十五兩心紅

紙張二十兩門子二名共十二兩皂隸十六名共九十

六兩馬快八名共一百三十四兩四錢民壯五十五名共

三百兩燈夫四名共二十四兩禁卒八名共四十八兩

修倉監二十兩輪傘扇夫七名共四十二兩庫子四名

共二十四兩斗級四名共二十四兩計七百八十九兩

四錢典史俸三十一兩五錢二分門子一名六兩皂隸四名共二十四兩馬夫一名六兩計六十七兩五錢

二分訓導俸三十一兩五錢二分齋夫三名共三十三

六兩門子二名共十四兩四錢馬草料六兩香燭行香

公費七兩七錢七分六釐計九十五兩六錢九分六釐

今編銀八百七十一兩七錢二分知縣項下裁心紅二

兩止設民壯十六名捕役四名燈夫二十四兩修倉監

十兩訓導項下裁馬料六兩香燭五兩三錢七分六釐

計裁二百五兩三錢七分六釐增設教諭一員俸四

十兩訓導升俸八兩四錢八分計增四十八兩四錢八

分其民壯銀一百四十四兩解司

庫餘銀十六兩八錢三分六釐

巡撫項下原編應解俸工等銀五十六兩七錢八分四毫

八絲六忽六纖八沙今裁

學政項下原編應解供應銀一十兩七錢二分五釐二毫

四絲解役盤纏銀七錢今裁

布政司項下原編應解支給正銀一十四兩四錢六分九

釐二毫八絲解役銀一兩二分今裁

江甯場屋銀一十二兩三錢八分六釐二毫今編六兩四

錢一分三釐二毫六絲五忽

協濟上元江甯科場應用人夫工食銀四錢四分三毫三

絲及解場屋銀役銀一兩俱裁

太平府武舉供億銀一兩九錢二釐七毫五絲解費銀二

分今編五錢四分六釐三毫七絲五忽

解府支給原編銀八百三十三兩一錢七分四毫四絲二

忽四微五纖永豐倉折米銀六百二十八兩八錢七分

一十五兩二錢九分六釐七毫一絲七忽四微五纖今

解糧道 淺船料價銀二十六兩六錢一分五釐九毫

今解糧道又解役銀一錢五分今裁 萬壽表文

千秋戔文 冬至 元旦表文 紅黃包裹共銀六兩

六錢三分四釐八毫七絲五忽 應朝官吏盤纏銀一

兩三錢六分六釐七毫今俱裁 季考費二兩五錢裁

學政考試銀八兩搭棚銀二兩府學歲貢旗扁銀二兩

七錢生員盤纏卷資銀六錢九分一釐六毫五絲俱裁

其歲貢銀二兩七錢解藩庫 經歷公費見前官吏經費中

現增田丁人役銀一百一十兩解糧道此條乾隆三十一年孫志在解府支

給中今存 其舊文 存縣支給原編銀一千二百八十六兩六錢五分一釐五

毫一絲迎春花鞭春牛銀一兩五錢今裁 儒學廩生



文廟鄉賢各祠壇八十四兩七錢武廟四十七兩八錢  
 三分二釐九毫五絲八忽三微嘉慶八年增文昌祭銀  
 三十四兩 鄉飲酒八兩如無合例之人項解司 鋪兵  
 三十四名共銀二百四十四兩八錢閏年二百五十二  
 兩九錢六分八厘八毫四分不徵閏月夫馬銀已裁每  
 定一百六十八兩八錢五分餘兩今裁儘解驛傳庫  
 年止畱給差夫八名銀二十兩八錢三分三釐三毫  
 修理察院及儒學鋪舍銀二十九兩八錢三分三釐三毫  
 三十兩今裁 新舉人銀二十九兩八錢三分三釐三毫  
 三忽今赴司領 新進士銀二十兩六錢六分六釐六毫  
 毫七忽今赴司領 二項向係每年帶徵之數 新武舉  
 銀帶徵六兩六錢六分六釐六毫今赴司領 遺才銀  
 帶徵十六兩九錢六分六釐六毫今赴司領 遺才銀  
 月銀三兩九錢六分六釐六毫今赴司領 遺才銀  
 十名分給又布匹柴薪棺木銀六十兩閏月銀三兩九  
 錢六分此數如不敷給每年於起運項下湊撥給補  
 未歸正項解支雜派額徵銀一百一十三兩一錢九分五  
 釐八毫四絲內廉惠田租銀六十一兩八錢七分七釐


五毫存縣備賑今止畱給貧生銀二十兩六錢二分五

釐八毫三絲三忽餘銀歸起運項下解司

不在丁田支解者匠班銀五十一兩三錢一分八釐三毫

四絲今歸田畝攤派於起運項下解司





倉儲

古者倉廩儲侍豐斂儉發其制最密蘇軾云穀貴之時千斛在市則肆價平而民食足此言發斂以時有司者遵前軌善循之是久遠之圖也夫藏富於公即藏富於民要在平而已矣述倉儲

宋常平倉在縣門內元有義倉十二所總收稻穀六百三

十七石一斗七升五合至正十二年廢明初預備倉四

鄉嘉靖府志云黟倉五者並義民倉而言也後志遂誤作預備倉凡五會昌鄉倉在城北新

政鄉倉在六都懷遠鄉倉在四都順仁鄉倉在十都總收

糴穀一千六百石遇饑賑濟不敷永樂十五年又糴穀一

千石遞年給收積出至正統七年共穀二千八百餘石又有義民倉在會昌鄉倉前正統六年民人胡彥本捐穀一千二十五石賑濟凡四千四百三十餘戶奏建此倉貯之景泰三年在倉焚積出稻穀共一千後各鄉共增爲預備倉八所宏治間見貯稻穀共一萬一千四百八十三石五斗三合正德十六年知府張芹建廉惠倉

國朝因之廉惠倉入經制既而與預備倉焚廢有義民倉者城鄉共八所亦廢順治時建廣濟倉於縣治左故察院基也後改曰公田倉今日常平倉雍正十三年知縣黃家甲建十三楹乾隆二十二年定額貯穀二萬八千石二十

七年知縣孫維龍增建倉十楹三十三年知縣林遷於舊學基建倉四十七楹其在各鄉者十二都社倉各一社正一人社副一人乾隆三年官給借倉穀百石爲社本春領秋交依例加息還社本訖見貯穀六千三百石嘉慶四年奉

上諭四鄉社倉聽民自行出借收放不得官爲經理仍於年底造冊報銷



城垣 坊市附

黔城宋前無考宋城周二里三百五十步始見淳熙新安志第五卷中宏治府志云宋初城者億度詞也元及明初城蓋傾墜明詩綜邵誼詩云黔縣設自秦至今少城郭誼為洪武時人則黔城必非明時始廢宏治府志云元仍舊明廢者亦億度詞也成化時修復嘉靖時復擴之蓋循東嶽山麓所包者城隍廟山山本無名嘉靖志包羅某山本屬關文竇縣志即云包羅東嶽山王志孫志府志因之皆失考也特為釐訂俾來者有稽焉坊郭舊志多與鄉都合今采孫志之長附城池後


縣城宋時周二里三百五十步其門六東曰吉陽西曰望  
仙南曰通閭北曰永甯東南曰桃源近縣治曰景星後漸  
傾頽明成化時知縣吳一貫復建之立四門嘉靖四十五  
年知府何東序檄知縣宋介慶築城會宋以事去通判馮  
叔吉來督工復闢西南北循龍尾山東北麓閱五月工畢  
爲門五東曰朝陽東南曰迎靄南曰明昌西曰環碧北曰  
臨章周七百三十餘丈高二丈厚一丈二尺後於迎靄明  
昌門間開門曰桃源崇禎七年於迎靄門外築月城而閉  
桃源門

國朝因之知縣竇士範江旣入曹振邦王景曾前後相繼  
修葺乾隆二十八年知縣孫維龍復修城紳士捐建貢生  
程學祖生員程炎程良弼民人胡丙培所輸最先三十二  
年奉

旨俱賞給八品頂帶城規制如舊惟桃源門無樓櫓

宋坊凡八曰里仁阜通永豐崇義仙桂必興忠信文武元  
坊五曰視民輔文桂香桃源德聚明坊十曰桂香桃源德  
聚吉陽椿桂登雲聯桂和豐平政明倫

國朝因之爲街七曰縣前東門西門南門北門郭門麻田



公署

縣廳宋初在城內正北宣和間在城西南紹熙四年知縣  
 沈紹修之元至元十三年燬於兵縣尹李大川重建至正  
 十二年兵燬因卽濟雷倉署縣事明初知縣侯均祥重建  
 廳事戒石亭司房內外門典史廳縣獄正統三年知縣劉  
 功華主簿林高典史鄒斯慎重創正統七年又新作儀門  
 後堂皆鄒之力景泰二年縣丞康謨因兩廊司務漏壞儀  
 門低隘捐俸焚勸邑人助貲鳩工而新之增廊房六間以  
 接儀門高其門臺成化三年知縣邱諒修葺宏治十年知  
 縣高伯齡重建加穿堂於廳後廳階甬道墁以石年久大

門傾壞

國朝順治十年知縣竇士範捐貲重修康熙二年廳堂儀門俱頽圯知縣江旣八損貲重建十一年知縣杜宏捐貲重建廊房一閤二十年知縣王景曾因後堂傾壞重建西嚮乾隆十一年知縣茅張營改東嚮顏曰維新十九年署知縣施希泰因禱雨有應顏曰志喜五十二年知縣施源詳修大門儀門大堂庫房科房復修內宅於養廉攤抵縣丞廳在縣廳之左今廢主簿廳宋初在縣治東元至正十二年兵燬明在縣廳之右今廢

縣尉廳宋初在縣治西元改尉司至正十二年兵燬

典史廳在縣廳之左宏治十年知縣高伯齡重建其廡舍在察院後正德十五年典史沈榮捐造康熙十五年知縣藺佳選典史李躍龍重建嘉慶五年復詳修

察院在縣東明洪武四年知縣王虎建正德三年知縣高珣重修年深傾圯

國朝順治十年知縣竇士範重建改爲廣濟倉詳見倉儲浙江提刑按察司黜務分司元置明初因之後廢

府署在鼓樓東北景泰閒本府同知黃瑄建宏治十七年知縣張偉重建天啟時知縣趙三極改爲義濟倉今廢

魚亭巡檢司宋置元至元三十一年減併魚亭驛久廢  
架閣庫在縣廳西

軍器庫在縣廳東北明正德八年知縣楊傳建今改大有  
庫在廳事西北

徵輸庫在縣治東舊糧長寓此徵收成化開改爲公館今  
廢

譙樓元爲縣治門樓洪武元年建於縣治東卽景星門舊  
基嘉靖十八年燬知縣左翼復建扁曰明遠

鐘樓元在縣治東至正十二年燬明洪武九年重建於舊  
基正德三年燬知縣楊傳重建今廢

酒務在縣東宋置久廢

縣獄在縣治西內外監房各三間左右廂房各一間正德  
十一年署縣事本府通判周勳重建四圍易以磚

申明亭在縣治西四鄉各一所  
旌善亭在縣治東四鄉各一所

新西倉在縣門之右今廢

陰陽學在縣治東廡舍三間明洪武十五年立成化時知  
縣邱諒重新之嘉靖十八年燬知縣左翼移建於譙樓之  
西今廢

醫學在縣治東明洪武十五年設置就宋元惠民藥局嘉



靖十八年燬知縣左翼移建於譙樓之西今廢  
道會司僧會司隨劄付所居

鎮守軍營在縣北元置至正閒兵燬  
演武亭在縣治西北知縣陳九疇建  
營房在縣迎靄門外李操撫捐建  
教場宋在縣南有闕武亭後廢

### 驛傳

黟縣原設馬七匹馬夫四名差夫十名後經裁減馬二匹  
馬夫一名差夫二名復於雍正六年裁減馬二匹馬夫二  
名止設馬三匹草料銀八十六兩四錢馬夫二名除另給

捐置馬田租稻外工食銀一十四兩四錢差夫八名除另  
給捐置馬田租稻外工食銀五十七兩六錢買馬銀二十  
二兩五錢帶閏銀五兩二錢八分鞍轡等銀九兩歲共支  
銀一百九十五兩一錢八分雍正十二年核減草料等銀  
歲共二十六兩三錢四分乾隆二十四年馬匹馬夫全裁  
僅存差夫八名除給工食外餘銀俱解驛道  
魚亭驛在縣東三十五里宋置今廢

臨黟驛宋在縣內政和二年令張瑜建於縣北元在縣廳  
後至正十二年兵燬明初丁酉即原基重建後廢  
縣前總鋪在縣前鋪司一名鋪兵五名

西遞鋪在縣東南十里鋪司一名鋪兵二名

桃源鋪由西遞鋪至此十里鋪司一名鋪兵三名

魚亭鋪由桃源鋪至此十里嘉慶五年修葺鋪司一名鋪

兵四名

界首鋪由魚亭鋪至此十里為休甯界鋪司一名鋪兵三

名

陳閭鋪在縣西南十里今裁


武嶺鋪由縣前鋪至此二十里過嶺為祁門界鋪司一名

鋪兵二名

廣惠鋪在縣北二十里鋪司一名鋪兵三名

牯曙鋪由廣惠鋪至此二十里為太平界鋪司一名鋪兵

三名





黔縣志卷十

政事志

學校

學制之見于書者自五帝始其名曰成均說者曰以成性也然則有民斯可教有教斯可學邃古已然至成周而制大備記曰家有塾黨有序國有學其校之有比年中年三年九年之期其升之有選士俊士造士進士之等蓋化民成俗恆必由之而興賢舉能以備四方之任使亦于是乎在漢制郡國曰學邑侯國曰校史所載立學者西漢之文翁東漢之李忠

世祖建武六年李忠為丹陽太守忠以丹陽越俗不好學乃為起學

校習禮容春秋鄉飲選  
用明經郡中向慕之

寇恂任延秦彭鮑德皆太守也縣

獨有辰陽長宗均沿及晉魏但聞郡學而縣學無述焉隋

文帝仁壽元年雖有廢州縣學之詔所謂縣學無可考唐

高祖武德七年詔州縣鄉皆置學而其制未詳明皇開元

二十六年令天下州縣里皆置學仍擇師資令其教授此

殆如後世村塾義館耳宋仁宗景祐四年命藩輔始得立

學史稱晏殊知應天府延范仲淹以敎生徒自五代以來

天下學校廢壞興學自殊始洎仲淹在朝建議慶厯四年

始許置縣學云許置者爲私立學舍者言因仁宗景祐之

詔非方郡不許置故也祖無擇知袁州首建學官置生徒

郡國弦誦之風由此始盛龔鼎臣知漢州請于朝建廟學

選邑子爲生立課肄法人大勸當時興學者可指數是則

州郡猶屬虛文而况于縣耶古者學與廟分故郡縣有學

者少而縣或寄于州但縣雖無學未嘗無廟唐太宗貞觀

四年詔州縣皆立孔子廟時許敬宗等議縣學以令爲初

獻開元釋奠之制屬縣用酒脯在唐已稱廟爲學宋仁宗

時王隨知通州以州少學者徙孔子廟起學舍州人遣子

弟就學謂之徙者當是別擇寬廣之處而學附于廟于此

可見陳襄知河陽縣進州子弟于學王獵爲林慮令俗不

知學獵立孔子廟擇秀民誨之是皆縣也然觀神宗元豐

時詔諸路府州學官僅五十三員卽郡之小者學猶缺如  
宗澤調龍游令民未知學澤爲建庠序設師儒此已是徽  
宗時而縣之有學猶爲僅見元世祖至元時命雲南諸路  
皆置學以祀先聖是立廟于學之明證宋元人每稱廟學  
廟學之合一其自宋始乎明洪武二年詔天下府州縣皆  
立學由是人但知有儒學無復有如唐之稱孔宣父廟文  
宣王廟宋之稱夫子廟者大凡宋以前稱廟有廟者不必  
有學故雖有縣學亦廟公而學私宋以後稱學弦誦之地  
卽俎豆之地學無不公其私者乃別稱書院書院之在宋  
元者卽是學官按宋大中祥符二年詔賜應天府書院額  
命奉禮郎戚舜賓主之仍令本府幕職官

提舉以應天府民曹誠爲助教八年賜潭州嶽麓書院額  
時山長周式以行義著召見便殿拜國子學主簿使歸教  
授詔賜書院名增賜中秘書至明則書院爲私置矣黟之  
元各處書院置山長一人

學自宋以來幾經創修復屢遷移始定今制考舊志宋初  
在縣南淳熙十六年己酉知縣葉崧縣尉鮑叔源修慶元  
初主簿袁孚重建大成殿嘉定八年乙亥縣尉張叔介修  
端平初知縣舒泳之重建三門置文公祠於門內并修講  
堂殿宇建明倫坊籍絕戶田二十畝於學以養士學正程  
黻記元元貞元年乙未縣尹劉德重建兩廡邑人增置側  
近學田至大四年辛亥縣尹皇甫涖構講堂門廡齋舍鑿  
池築垣山長李鳴鳳記至正元年辛巳縣尹陳真孫勸民

助田養土石邱先生胡默記十二年壬辰兵燬明初田皆  
入官而籩師生以廩祿重建大成殿兩廡戟門櫺星門繚  
以門垣又建講堂曰明倫堂東齋曰進德西齋曰修業射  
圃在縣治北復有倉廩神廚宰牲之房在學之東而制度  
備矣明倫堂永樂十五年丁酉主簿甘宗璉新之大成殿  
兩廡宣德八年癸丑教諭羅宏新之郡守崔彥俊記正統  
六年辛酉知縣胡拱辰買民田以廣西齋又於學前山麓  
穿井以供祀事作神主繪神像改泮池作石橋築甬道於  
櫺星門之內外劂石於明倫堂爲科貢題名教諭陳三策  
記景泰三年壬申本府通判會稽金真過縣謁廟覩明倫  
堂及兩齋歲久傾頽率知縣葉斌教諭竺宴各捐金葺之  
櫺星門舊用木易朽宏治初知縣吳一貫改用石六年癸  
丑知縣陳信建饌堂扁曰養賢後知縣高伯齡買民園地  
開拓及進德修業兩齋本府同知彭哲因大成殿前階墀  
低窪捐貲塹以巨石舊門南向改東向給事中王珣記十  
六年癸亥巡撫都憲彭公過邑謁廟見殿頽壞命知縣張  
偉修葺通判陳理拓基以鑿泮池教諭鄭宏記正德九年  
甲戌巡按御史吳鉞謁廟詢屢葺屢壞之故由地形卑窳  
乃相度地宜得縣治西北天尊觀命郡守豫章熊桂遷建  
熊乃親臨區處易民地以廣之委知縣何亦尹主其事教

諭葉相董治之何以憂去署縣事通判劉文知縣劉佐繼之未幾劉亦以憂去知縣陳九疇又繼之乃成殿廡門池堂齋固不周備崔彥俊江山記自是觀移於學地未幾觀亦廢舊學之址惟明倫堂獨存嘉靖四十二年癸亥知縣謝廷傑乃因其柱石材木剝為碧陽書院萬曆十五年丁亥知縣王家光修歙方宏靜記二十九年辛丑諸生念書院舊學址靈秀甲邑文風士習於徽為最遂有遷改之議當事者允其請而書院復為學宮崇禎二年己巳教諭翁兆雲重修之休甯金聲記九年丙子又惑於彤家之說仍移學於觀地

國朝康熙九年庚戌知縣杜宏重修

案康熙十三年甲寅八月閩賊羅其熊等

來攻破婺祁黟黟知縣杜宏被賊挾以去卒於浮梁十四年乙卯正月知縣蘭佳選始蒞黟任則通志云十年知縣

蘭佳選重修學宮者是十字下脫四字也十三年甲寅燬於寇十四年乙卯知

縣蘭佳選重修并建魁星閣歙人洪琮記教諭尤何等重

建大門三楹三十年辛未徽州府同知署黟縣知縣曹貞

吉修葺正殿及明倫堂雍正八年庚戌教諭林燾訓導丁

炷重修兩廡乾隆十五年庚午知縣陳佃儀明於堪輿之

術極稱城南舊學山環水聚地形佳勝比之西北山上高

宜十倍因與闔邑紳士謀之請於上官於十七年仍遷建

城南舊地今恭列祀典於前而明倫堂以下官署次之

大成殿

三楹在正中複簷重阿露臺階凡悉如制旁列東西廡各五間廡前爲大成門門旁東西各設齋庖一間門前繚以周垣東西各開柵門柵門之南中爲泮池池建石橋環以欄干橋南爲櫺星門左右共三門門之左爲騰蛟坊右爲起鳳坊前爲明堂池正殿奉

至聖先師孔子周敬王四十年魯哀公誅孔子曰尼父漢平帝元始元年追諡孔子曰褒成宣尼公北魏孝文帝太和十六年改諡孔子爲文聖尼父隋文帝贈孔子爲先師尼父唐太宗貞觀二年尊孔子爲先聖十一年尊孔子

爲宣尼父高宗顯慶二年復尊孔子爲先聖乾封元年追贈孔子爲太師元宗開元二十七年追諡孔子爲文宣王宋真宗大中祥符元年加諡孔子爲元聖文宣王五年改封爲至聖文宣王元成宗大德十一年武宗卽位封孔子爲大成至聖文宣王明太祖洪武初爵仍舊世宗嘉靖九年改稱至聖先師孔子

皇清順治二年定文廟諡號稱大成至聖文宣先師孔子十四年議改諡號爲至聖先師孔子康熙二十三年恭奉御書萬世師表扁額雍正五年恭奉御書生民未有扁額乾隆三年恭奉



御書與天地參扁額嘉慶五年恭奉

御書聖集大成扁額

殿廡位次神位皆用木主

正殿

至聖先師孔子神位正中南嚮

東配在殿內東

復聖顏子

家語字子淵魯人唐元宗贈充公宋度宗咸淳三年封兗國公配享廟殿元文宗至順元年封復聖公明嘉靖九年稱復聖顏子主用赤地黑書後同

述聖子思子

宋崇寧元年封沂水侯大觀二年詔躋從祀咸淳三年封沂國公配享廟殿元至順元年封述聖公明嘉靖九年稱述聖子思子

西配在殿內西

宗聖曾子

家語字子輿南武城人唐贈邾伯宋始封瑕邱侯後封武城侯咸淳三年封邾國公配享廟殿元至順元年封宗聖公明嘉靖九年稱宗聖曾子

亞聖孟子

趙岐題辭鄒人也字未聞漢書注字子車一字子輿宋元豐七年封鄒國公配享廟殿元至順元年封亞聖公明嘉靖九年稱亞聖孟子

東哲在殿內次

先賢閔子

名損家語字子騫魯人唐封費侯宋封邶瑯公後封費公明嘉靖九年稱先賢閔子自四配以下皆稱先賢某子

先賢冉子

名雍家語字仲弓鄭康成云魯人唐贈薛侯宋封下邳公後封薛公

先賢端木子

名賜家語字子貢衛人唐贈黎侯宋封黎陽公後封黎公

先賢仲子

名由家語字子路卞人一字季路唐贈衛侯宋

先賢卜子

名商家語字子夏衛人鄭云溫國人唐贈魏侯

先賢有子

名若字子有魯人唐贈卞伯宋封平陰侯

西哲

在殿內次

西荀東嚮名耕家語字伯牛魯人唐贈卞侯宋封東平公

先賢冉子

名耕家語字子我魯人唐贈齊侯宋封臨淄公

先賢宰子

名子家語字子有鄭云魯人唐贈徐侯宋封彭

先賢冉子

名求家語字子有鄭云魯人唐贈徐侯宋封彭

先賢言子

名偃家語字子游史記吳人唐贈吳侯宋封丹

先賢顓孫子

名師家語字子張陳人唐贈陳伯宋始封宛

先賢朱子

名熹本傳字元晦一字仲晦徽州婺源人宋甯

宗嘉定二年詔賜諡曰文理宗寶慶三年贈太師追封信國公紹定三年改封徽國公淳祐元年從祀元順帝至正二十二年改封齊國公

國朝康熙五十一年二月初四日奉

聖祖仁皇帝上諭朱子發明聖道軌於至正特加優崇升

配大成殿十哲之次

東廡

祀先賢三十九位先儒二十

先賢蘧瑗

史記字伯玉唐贈衛伯宋贈內黃侯元延祐六

年從祀明嘉靖九年改祀於鄉

先賢澹臺滅明

家語字子羽武城人唐贈江伯宋封金鄉

先賢原憲

家語字子思宋人鄭云魯人唐贈原伯宋封任

先賢南宮适

此從史記字子容魯人家語南宮紹通典通

邱侯後封汝陽侯通考作汝陽

先賢商瞿

家語字子木魯人唐贈蒙伯宋封須昌侯

先賢漆雕開

家語字子若蔡人史記字子開鄭云魯人唐贈滕伯宋封平輿侯

先賢司馬耕

此從史記字子牛孔安國云宋人家語作司馬黎耕唐贈向伯宋始封楚邱侯後改封睢陽侯

先賢梁鱣

一作鯉家語字叔魚齊人唐贈梁伯宋封千乘侯

先賢冉孺

此從史記字子魯家語作冉孺魯人字子魚唐贈紀伯宋封臨沂侯

先賢伯虔

家語字楷史記字子析唐贈鄒伯通典作耶伯宋封洮陽侯

先賢冉季

家語字子產魯人唐贈東平伯宋封諸城侯

先賢漆雕徒父

此從史記家語作漆雕從字子文蔡人唐贈須句伯宋封高苑侯一作高宛侯

先賢漆雕哆

此從史記字子斂鄭云魯人家語作侈通志通典通考作漆雕子斂唐贈武城伯宋封濮陽侯

先賢公西赤

家語字子華魯人唐贈郟伯宋封鉅野侯

先賢任不齊

家語字子選史記字選楚人唐贈任城伯宋封當陽侯

先賢公良孺

家語字子正陳人唐贈東牟伯通典作東平伯宋封牟平侯

先賢公肩定

此從史記字子仲唐贈新田伯宋封梁父侯作公賓字子仲

先賢鄒單

家語不載此從史記字子家徐廣曰鄒單唐封鞮伯宋封聊城侯

先賢罕父黑

家語字子素唐贈乘邱伯宋封祁鄉侯

先賢榮旂

此從史記家語作榮祈字子祺通典作榮子期通志作榮祺通考作榮期唐贈雩婁伯宋封厭次侯

先賢左人郢此從史記字行鄭云魯人家語作左郢字子行通典通志通考同唐贈臨淄伯宋封南華侯

先賢鄭國此從史記字子徒秦人通考同通典作鄭子徒通志同家語作薛邦字子從按史記作國者避漢高祖諱改邦為國薛字與鄭字誤耳唐贈榮陽伯宋封胸山侯

先賢原亢此從通考史記作原亢籍通典通志同家語名抗字子藉唐贈萊蕪伯宋封樂平侯

先賢廉潔家語字子曹衛人史記字庸通典作廉梁通志通考同唐贈莒父伯宋封昨城侯

先賢叔仲會家語字子期魯人鄭云晉人唐贈瑕邱伯宋封博平侯

先賢公西輿此從史記字子上家語作與如魯人通典通考作舉如唐贈重邱伯宋封臨胸侯

先賢邾巽史記字子斂家語作選字子斂魯人通典通志通考作邾巽唐贈平陸伯宋封高堂侯

先賢陳亢家語字子亢史記字子禽陳人唐贈穎伯宋封南頓侯

先賢琴張按通典琴張唐贈南陵伯通考宋封頭邱侯後改封陽平侯別有琴牢而不載所封通志載琴張琴牢皆南陵伯而註云牢即張疑重出家語琴牢衛人字子開一字張

先賢步叔乘家語字子車齊人唐贈涪于伯宋封博昌侯

先賢秦非家語字子之魯人唐贈汧陽伯宋封華亭侯

先賢顏噲家語字子聲魯人唐贈朱虛伯宋封濟陰侯

先賢顏何家語不載此從史記字冉鄭云魯人唐贈開陽伯宋封堂邑侯明嘉靖九年罷祀

先賢縣亶家語字子象一字縣豐史記通典通志通考俱不載

先賢樂正克國朝雍正二年從祀

先賢樂正克宋政和五年配享孟廟封利國侯

先賢樂正克國朝雍正二年從祀

多系志 卷十 政事 學校 十

先賢萬章

宋政和五年配享孟廟封博興伯

先賢周敦頤

字茂叔世居道州營道縣濂溪之上宋桂陽令知南康軍世稱濂溪先生宋嘉定十三年

先賢程顥

字伯淳河南人宋太子中允監察御史裏行世稱明道先生宋嘉定十三年賜諡曰純公

先賢邵雍

字堯夫河南人宋元祐中賜諡康節咸淳三年

先儒公羊高

周末齊人受春秋於卜子夏唐貞觀二十一年

先儒伏勝

字賤濟南人秦博士治尚書唐貞觀二十一年

先儒董仲舒

字寬夫廣川人漢景帝博士為江都膠西王相元至順元年從祀明洪武二十九年復祀

先儒后蒼

字近君東海鄰人漢博士終少府高堂生三傳弟子傳曲臺記明嘉靖九年從祀

先儒杜子春

河南緱氏人唐貞觀二十一年從祀宋咸平三年封緱氏伯

先儒諸葛亮

字孔明南陽鄧縣人季漢丞相封武鄉侯諡忠武元至治二年封王爵

先儒王通

字仲淹河東龍門人隋處士門人諡曰文中子明嘉靖九年從祀

先儒范仲淹

字希文蘇州人宋資政殿學士汝南公諡文正追封楚國公

先儒歐陽修

字永叔廬陵人宋觀文殿學士贈太師諡文忠明嘉靖九年從祀

先儒楊時

字中立南劍將樂人宋龍圖閣直學士諡文靖師事二程子世稱龜山先生元至正二十二年

從祀追封吳國公明正統十三年宏治八年再詔從祀

先儒羅從彥 字仲素南劍州人受業於龜山世稱豫章先生

先儒李侗 字愿中南劍州人從羅從彥學朱子又從侗學世稱延平先生元至正二十二年從祀追封越國公明隆慶六年復祀

先儒呂祖謙 字伯恭其先東萊人後居婺州之金華宋著作郎諡曰成世稱東萊先生理宗景定二年從祀封開封伯元皇慶二年復祀

先儒蔡沈 字仲默建陽人西山先生元定子宋處士贈太師榮國公諡文正世稱九峯先生元至正二十二年從祀追封建國公明正統二年復祀成化

先儒陳淳 字安卿一字北溪漳州龍溪人受學於朱子授安溪主簿 國朝雍正二年從祀

先儒魏了翁 字華父邛州蒲江人宋資政殿學士諡文靖贈秦國公世稱鶴山先生 國朝雍正二年從祀

先儒王柏 字會之一字魯齋婺州金華處士宋德祐元年贈承事郎諡文憲 國朝雍正二年從祀

先儒趙復 字仁甫德安府人宋處士世稱江漢先生 國朝雍正二年從祀

先儒許謙 字益之其先京兆人後徙婺之金華受業於金履祥之門元處士順帝至元三年賜諡文懿世稱白雲先生

先儒吳澄 字幼清撫州崇仁人元翰林直學士世稱草廬先生至順二年贈臨川郡公諡文正明宣德十年從祀宏治八年罷祀 國朝乾隆三年復祀

先儒胡居仁 字叔心餘干人明處士萬曆十二年從祀 國朝乾隆三年復祀

先儒王守仁 字伯安餘姚人明兵部尚書兼左都御史新建伯世稱陽明先生隆慶中贈新建侯諡文

多系志 卷十 政事 學校 十三

成萬曆十二年從祀

先儒羅欽順

字整菴太和人明吏部尚書諡文莊

西廡

祀先賢三十八位先儒二十

先賢林放

唐贈清河伯宋封長山侯明嘉靖九年改祀於國朝雍正二年復祀

先賢宓不齊

家語字子賤魯人通典通志通考俱名子賤

先賢公冶長

家語字子長魯人史記齊人范甯云字子芝

先賢公皙哀

家語字季沈齊人史記字季次唐贈郕伯宋

先賢高柴

家語字子羔齊人鄭云衛人唐贈其伯宋封其

先賢樊須

家語字子遲魯人鄭云齊人唐贈樊伯宋封益

先賢商澤

家語字子秀一作子季唐贈陽伯宋封鄒平

先賢巫馬施

此從史記字子旗鄭云魯人家語字子期陳

先賢顏幸

家語字子柳魯人通典通志作顏柳史記通考

先賢曹卹

家語字子循唐贈曹伯宋封上蔡侯

先賢公孫龍

此從史記字子石鄭云楚人通典通志通考

先賢秦商

家語字子不慈魯人史記字子不鄭云楚人唐贈

先賢顏高

此從史記字子驕家語作顏刻通典作顏子精

先賢壤駟赤

家語字子從史記字子徒唐贈北徵伯宋封

先賢石作蜀

此從史記字子明通典通志通考同家語作

先賢公夏首

此從史記字乘家語作守字子乘魯人唐贈

先賢后處

此從史記字子里通志邱伯宋封膠東侯

先賢奚容蒧

此從史記字子里通志邱伯宋封膠東侯

先賢顏祖

此從史記字襄家語作顏相字子襄魯人通志

先賢句井疆

此從史記字襄家語作顏相字子襄魯人通志

先賢秦祖

此從史記字襄家語作顏相字子襄魯人通志

先賢縣成

此從史記字襄家語作顏相字子襄魯人通志

先賢公祖句茲

此從史記字襄家語作顏相字子襄魯人通志

先賢燕伋

此從史記字襄家語作顏相字子襄魯人通志

先賢樂欬

此從史記字襄家語作顏相字子襄魯人通志

先賢狄黑

此從史記字襄家語作顏相字子襄魯人通志

先賢孔忠

此從史記字襄家語作顏相字子襄魯人通志

先賢公西蒧

此從史記字襄家語作顏相字子襄魯人通志

先賢顏之僕

此從史記字襄家語作顏相字子襄魯人通志

先賢施之常

此從史記字襄家語作顏相字子襄魯人通志

先賢申棖

此從史記字襄家語作顏相字子襄魯人通志

先賢左邱明

此從史記字襄家語作顏相字子襄魯人通志

先賢左邱明

此從史記字襄家語作顏相字子襄魯人通志

先賢左邱明

此從史記字襄家語作顏相字子襄魯人通志

先賢左邱明

此從史記字襄家語作顏相字子襄魯人通志

先賢左邱明

此從史記字襄家語作顏相字子襄魯人通志

先賢左邱明

此從史記字襄家語作顏相字子襄魯人通志



唐貞觀二十一年及永徽中皆詔從祀宋祥符元年封瑕邱伯政和元年改封中都伯明

嘉靖九年改稱先儒國朝雍正二年升祀先賢

先賢秦冉

家語不載此從史記字開通典通志作秦子開通考作秦甯唐贈彭衙伯宋封新息侯明嘉靖

九年罷祀國朝雍正二年復祀國朝雍正二年從祀

先賢牧皮

國朝雍正五年配享孟廟封平陰伯

先賢公都子

宋政和五年配享孟廟封壽光伯

先賢公孫丑

宋政和五年配享孟廟封壽光伯

先賢張載

字厚長安人宋同知太常禮院世稱橫渠先生嘉定十三年復詔從祀

伯元皇慶二年復詔從祀

先賢程頤

字正叔顥弟宋直秘閣世稱伊川先生嘉定十三年謚曰正公淳祐元年從祀封伊陽伯元皇

慶二年復詔從祀至順元年封雒國公

先儒穀梁赤

周末魯人唐貞觀二十一年從祀宋始封龍邱伯後改封雒陵伯宋史作睢陵

國朝雍正二年從祀

先儒高堂生

按史記索隱曰謝承云秦季有高堂伯則伯是其字魯人為博士傳士禮十七篇唐貞觀

二十一年從祀宋封萊蕪伯

先儒孔安國

字子國孔子十一世孫漢博士仕至諫大夫臨淮太守唐貞觀二十一年從祀宋封曲阜

伯

先儒毛萇

漢趙人為河間獻王博士傳毛詩唐貞觀二十

先儒鄭元

字康成東漢北海高密人唐貞觀二十一年從祀宋封高密伯明嘉靖九年改祀於鄉

國朝雍正二年復祀

先儒范甯

字武子順陽人晉豫章太守封陽遂侯唐貞觀二十一年從祀宋封新野伯通考作鉅野伯明嘉靖九年改祀於鄉國朝雍正二年復祀

先儒韓愈

字退之南陽修武人後魏安定桓王茂七世孫唐吏部侍郎諡曰文宋元豐七年從祀封昌黎伯

先儒胡瑗

字翼之泰州海陵人宋太子中允天章閣侍講世稱安定先生理宗端平二年從祀明嘉靖九年復祀

先儒司馬光

字君實陝州夏縣人宋資政殿學士贈太師溫國公諡文正咸淳三年從祀元皇慶二年復祀

先儒尹焞

字彥明一字德充洛人師事程頤宋靖康元年賜號和靖處士紹興九年除徽猷閣待制國朝雍正二年從祀

先儒胡安國

字康侯建甯崇安人宋寶文閣直學士諡文定元至正二十二年從祀追封楚國公明正統二年復祀成化二年封建甯伯

先儒張栻

字敬夫綿竹人宋魏國公浚子右文殿修撰世稱南軒先生景定二年從祀封華陽伯元皇慶二年復詔從祀

先儒陸九淵

字子靜撫州金谿人宋將作監知荆門軍諡文安世稱象山先生明嘉靖九年從祀

先儒黃幹

字直卿福州閩縣人宋知漢陽軍受業於朱子甯宗朝贈朝奉郎端平元年諡文肅世稱勉齋先生

先儒真德秀

字景元更字景希建之浦城人宋資政殿學士兼侍讀諡文忠世稱西山先生元至正二十二年從祀封福國公明正統二年復祀成化二年封浦城伯

先儒何基

字子恭婺州金華人師事黃幹宋德祐元年賜諡文定

先儒陳澐 字可大江西都昌縣人元至治中著禮記集說

先儒金履祥 字吉甫元蘭谿處士少從王柏何基學世稱仁

先儒許衡 字平仲號魯齋河南人元集賢大學士兼國子祭酒世稱魯齋先生諡文正大德二年贈司徒至大二年封魏國公皇慶二年從祀

先儒薛瑄 字德溫河津人明禮部侍郎兼翰林學士諡文清隆慶五年從祀

先儒陳獻章 字公甫新會人明翰林院檢討諡文恭世稱白沙先生萬曆十二年從祀

先儒蔡清 字介夫晉江人明南京國子監祭酒諡文莊世稱虛齋先生


先儒陸隴其 字稼書浙江平湖人康熙庚戌進士官御史諡清獻雍正二年從祀

先儒劉宗周 字起東號念臺山陰人明左都御史國朝賜諡忠介道光二年從祀西廡

先儒湯斌 字孔伯睢州人順治壬辰進士官至禮部尚書諡文正道光三年從祀東廡

先儒黃道周 字幼平號石齋漳浦人明天啟壬申進士歷官少詹事國朝賜諡忠端道光五年從祀

東廡





兩廡先儒依乾隆十八年頒定先後坐次史記載孔子  
之言曰受業身通六藝者七十有七人皆異能之士也  
唐司馬貞索隱曰孔子家語亦有七十七人宋馬端臨  
曰孔子弟子史記家語所載皆七十七人魏王肅本自  
顏回至顏祖止列弟子七十六人缺一人不合前數及  
觀史記弟子傳有顏何字冉索隱證之曰家語字稱則  
知顏何已載於家語而肅本缺之耳又北齊顏之推稱  
仲尼門徒升堂者七十有二顏氏居八唐真卿自敘家  
譜稱孔門達者七十二人顏氏有八八人中顏何與焉  
索隱去古未遠之推真卿俱顏氏裔孫必各有據今當

以顏何足七十七人之數云按史記所載數同家語內無琴牢陳亢縣亶三人而別有公伯寮秦冉鄒單三人當其數文翁石室圖七十二人比家語少公西與如縣亶原桃公肩定公夏首句井疆邾吳顏何八人而別有蘧瑗林放秦冉三人蘇轍古史又錄七十九人蘇子曰孔子弟子高第七十七人余以太史公書及孔子家語考之皆同秦冉顏何不載於家語而琴牢陳亢不錄於史記三書既不可偏廢而琴牢陳亢又見於論語故并錄之凡七十九人又曰索隱云文翁圖有蘧伯玉林放申枏申堂今石室圖七十二人亦無所謂枏與堂也以上所紀或名同而數異或數同而名異此殆後人以意增損或傳寫之誤惟從嘉靖九年所定名數及續入從祀者與雍正二年更定名次並列之紀其實也

周有天下立四代學虞庠以舜爲先聖夏學以禹爲先聖殷學以湯爲先聖東膠以文王爲先聖各取當時左右四聖成德業者爲先師配享此天子立學之始漢高帝十二年過魯以太牢祀孔子詔諸侯卿相先廟謁而後從政邱濬曰此漢以下祀孔子之始亦新官到任謁廟之始冬十一月封孔騰爲奉祀君召見申公於南宮此封聖裔之始元帝永光元年春詔褒成侯孔霸以所

會邑八百戶祀孔子賜爵關內侯此襲爵之始平帝元  
始元年追諡孔子褒成宣尼公此追諡之始東漢明帝  
永平二年令郡縣於學校祀周公孔子此國學郡縣祀  
孔子之始十五年春三月帝徵諸王來會祠東海恭王  
陵還幸闕里祠孔子及七十二弟子親御講堂命皇太  
子諸王說經此弟子從祀之始桓帝元嘉二年相國乙  
瑛請爲孔子廟置百石卒史一人掌領禮器此聖廟設  
官之始靈帝光和元年春三月始畫孔子及七十二弟  
子像於鴻都門學魏齊王芳正始元年帝講論語使太  
常釋奠以太牢祀孔子於辟雍邱濬曰漢以來釋奠之  
禮始見於此前此祠孔子者皆於闕里至是始行於太  
學二年春二月使太常以太牢祀孔子於辟雍以顏淵  
配五年夏五月七年冬十二月皆同此國學釋奠以弟  
子配享之始晉武帝泰始七年皇太子講經親釋奠於  
太學邱濬曰此太子釋奠之始東晉成帝咸康元年春  
二月甲子帝講詩經通親釋奠此天子親祭國學之始  
南宋文帝元嘉二十二年皇太子釋奠樂用登歌此釋  
奠孔子用樂之始北魏孝文帝太和十六年詔宣尼廟  
敕有司享薦之禮此有司廟享之始北齊文宣帝天保  
元年令魯郡以時修葺廟宇遣使致祭又制春秋二仲

行禮每月朔行禮祭酒及國子諸生每月朔日出行事  
拜孔聖揖顏子邱濬曰此後朔日行禮之始隋文帝初  
詔國子監每歲以四仲月上丁釋奠先聖先師州縣學  
以春秋仲月邱濬曰此郡縣二仲釋奠之始前此元魏  
雖命有司薦享然未名爲釋奠亦無定時也唐太宗貞  
觀四年詔州縣皆立孔子廟張朝瑞曰此後世郡縣立  
文廟之始二十年詔皇太子於國學釋奠於先聖先師  
皇太子爲初獻國子祭酒爲亞獻司業爲終獻州縣以  
守令爲初獻佐丞爲亞獻博士爲終獻邱濬曰此後世  
國家遣官釋奠之始而守令主祭亦始於此二十一年  
初以先儒配享孔子廟詔以左邱明卜子夏公羊高穀  
梁赤伏勝高堂生戴聖毛萇孔安國劉向鄭眾賈逵杜  
子春馬融盧植鄭元服虔何休王肅王弼杜預范甯二  
十二人代用其書垂於國胄自今有事於太學可並配  
享宣父廟堂此先儒配孔子之始高宗總章元年春二  
月皇太子釋奠於學贈顏子太子少師曾子太子少保  
尗配享孔廟此曾子配享之始元宗開元八年初定十  
哲配祀孔子廟司業李元瓘奏言先聖廟以顏子配則  
配像當坐今乃立侍餘弟子列像廟堂不與享而范甯  
等皆從祀請釋奠十哲享於上而圖七十子於壁曾參

以孝受經於夫子請享之如二十二賢乃詔十哲爲坐像悉與祀曾參特爲之像坐亞之圖七十子及二十二賢於廟壁帝以顏子亞聖親爲製贊書於石仍令當朝文士分爲之贊題其壁焉此十哲配祀及諸賢圖像於壁之始二十七年秋八月追諡孔子爲文宣王先是祀先聖先師周公南向孔子東向坐制自今孔子南向坐被王者之服釋奠用宮懸贈十哲及曾子六十七人公侯伯爵晉褒聖侯孔璣之爵爲文宣公兼兗州長史此孔子稱王聖裔襲公七十二賢爲伯之始後唐明宗長興三年春二月初定七十二賢祠饗各陳酒脯初釋奠文宣以充公顏子配坐以閔子騫等爲十哲排祭奠其七十二賢圖形於四壁面前皆無酒脯今始定諸座各籩二實以栗黃牛脯豆二實以葵菹鹿醢簋各一實以黍稷飯酒爵一周太祖廣順二年車駕詣闕里謁孔子祠將拜左右曰孔子陪臣也不當以天子拜之周主曰孔子百世帝王之師敢不敬乎遂拜又拜孔子墓畱所奠金花銀縷於廟訪孔子顏淵之後以爲曲阜令及主簿此天子拜墓之始宋太祖建隆元年詔祭孔子廟用一品禮立十六戟於廟門詔增葺祠宇塑繪先聖先賢自爲贊書於孔顏座端太宗淳化四年從監庫臣請



先聖廟六衙朔望焚香此行香之始真宗咸平三年增孔子守塋戶凡二千戶大中祥符元年謁文宣王廟至墓奠拜封聖父爲齊國公聖母顏氏魯國太夫人聖配元官氏鄆國夫人此聖父封爵之始五年改謚孔子爲至聖文宣王此稱至聖之始天禧元年詔崇文館雕印釋奠儀注及祭器圖頒行仁宗景祐元年詔釋奠用登歌按開元中已用登歌至宋則復用之至和二年改封孔子四十七世孫世愿爲衍聖公此稱衍聖公之始神宗元豐七年以孟子與顏子並配倉孔子列韓愈從祀此孟子配享之始徽宗崇甯三年詔文宣王殿曰大成此稱大成殿之始大觀二年躋子思從祀此子思配享之始又四年文宣王改執鎮圭廟門增立二十四戟於如王者之制政和元年詔門人封爵及郡縣犯先聖諱者悉改正政和六年賜堂上正聲大樂一副禮器一副於闕里高宗紹興十年詔文宣祭與社稷并爲大祀甯宗慶元間定祀令文宣王爲中祀理宗淳祐元年封周敦頤張載程顥程頤爲伯與朱子並從祀此周程張朱從祀之始又景定二年詔以張栻呂祖謙從祀度宗咸淳三年以顏曾思孟配享廟殿升子張於十哲並列邵雍司馬光從祀此四大賢同配享子張升十哲之始元

世祖至元十年詔春秋二丁執事官員各依品序穿著公服陪位諸儒衣襴衫戴唐中行禮成宗大德初敕到任先詣先聖廟拜謁方許以次詣神廟著爲令仁宗皇慶二年以許衡從祀文宗至順元年加封聖父爲啟聖王封顏子兗國復聖公會子邠國宗聖公子思沂國述聖公孟子鄒國亞聖公列漢董仲舒從祀此聖父封王四配稱聖之始明太祖洪武四年更定釋奠孔子祭器禮物孔子之祀像設高座而器物陳於座下弗稱其儀其來已久至是擬各爲高案改八簋豆爲十簋用竹其簋簋登銅及豆初用木者悉易以磁牲用熟樂舞六十人舞生四十八人引舞二人凡一百一十人擇國子生及公卿子弟在學者豫教肄之此改席地置高案之始十五年春三月命郡縣通祀孔子每歲春秋二仲行釋奠禮去塑像易木主遣官以太牢致祭十七年敕每月朔望太學祭酒以下行釋菜禮郡縣學長吏以下詣學行香二十六年頒大成樂於天下儒學此儒學用樂舞之始英宗正統二年以宋胡安國蔡沈真德秀從祀十三年以宋楊時從祀景皇帝景泰二年以顏孟後裔世襲五經博士此賢裔襲博士之始世宗嘉靖九年更定祀典尊曰至聖先師用木主四配十哲稱子七十二賢

稱先賢左邱明以下稱先儒俱去公侯伯號進漢后蒼  
隋王通宋胡瑗歐陽修陸九淵從祀此稱至聖先師易  
木主改配祀稱子之始是年別立啟聖祠祀啟聖公以  
先賢顏無繇曾點孔鯉孟孫激配先儒程珦朱松蔡元  
定從祀此立啟聖祠暨四賢三儒配祀之始穆宗隆慶  
五年以薛瑄從祀六年神宗卽位以宋羅從彥李侗從  
祀神宗萬曆十二年以陳獻章胡居仁王守仁從祀二  
十三年以宋周輔成從祀啟聖祠  
國朝順治元年定月朔及進士釋褐釋菜禮月望行香儀  
九年刻臥碑

世祖章皇帝臨雍親行兩跪六叩頭禮康熙二十三年  
聖祖仁皇帝幸闕里釋奠行三跪九叩頭禮

御書萬世師表額頒闕里及天下學宮此頒額之始四十  
九年

詔直省大小武職一體入聖廟行禮此武職行禮之始五  
十一年升朱子稱先賢列十哲之次此朱子升哲之始  
五十四年增宋范仲淹從祀雍正元年

世宗憲皇帝冊封至聖五代王更啟聖祠曰崇聖祀廟先  
行致祭此五代封王合祀崇聖祠更名之始二年

諭以後幸學釋奠改爲詣學此稱詣學之始復祀先賢濂

瑗林放秦冉顏何增祀先賢縣直牧皮樂正克公都子  
 萬章公孫丑升祀先儒左邱明周敦頤張載程顥程頤  
 邵雍為先賢復祀先儒漢鄭康成晉范甯增祀先儒漢  
 諸葛亮宋尹焞魏了翁黃幹陳淳何基王柏趙復元金  
 履祥許謙陳澹明羅欽順蔡清  
 國朝陸隴其又增祀宋張迪於崇聖祠三年  
 詔避聖諱四書五經外俱作邱字讀作期音  
 詔郡縣丁祭并用太牢四年  
 上親詣學釋奠跪獻帛爵五年  
 御書生民未有額頒發

詔遇八月二十七日以至聖誕辰致齋一日不理刑名禁止

屠宰乾隆三年

御書與天地參額頒發升先賢有子列東哲之次復元吳

澄從祀九年

頒學政全書嘉慶五年

御書聖集大成額頒發各學宮由孔子而來至於今已七  
 十有餘世矣禮明樂備至再至三錫類推恩有加無已  
 祀生增至四百三十六名之眾祀典上軼二千三百餘  
 載之隆未有盛於今日者也

崇聖祠

在

大成殿後祠三楹前門三楹正位奉

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

宋大中祥符元年封齊國公元至順元年加啟聖王明嘉靖九年立祠題曰啟聖國朝雍正元年稱啟聖王

東配 在殿內東

先賢顏氏

名無繇此從史記字路回父家語作由字季路通典通志通考皆名顏路唐開元二十七年從

先賢孔氏

祀贈杞伯宋祥符二年封曲阜侯元至順三年封杞國公諡文裕明嘉靖九年改配啟聖祠名鯉史記字伯魚汲父宋崇甯元年封泗水侯咸淳三年從祀明嘉靖九年改配啟聖祠

西配 在殿內西

先賢曾氏

名點字子皙參父史記點作箴字皙唐開元二

十七年從祀封宿伯宋祥符二年封萊蕪侯明嘉靖九年改配啟聖祠

先賢孟孫氏

名激按闕里志謂孟子父為激公宜魯公族孟孫後元延祐三年封邾國公明嘉靖九年

配享啟聖祠

東廡 西嚮共祀三位

先儒周輔成

敦頤父宋桂嶺縣令贈諫議大夫明萬曆二

十三年從祀國朝雍正二年復祀

先儒程珦

字伯溫顯頤父累官大中大夫封永年伯明嘉靖九年從祀國朝雍正二年復祀

先儒蔡元定

字季通沈父宋處士嘉定三年贈迪功郎諡文節世稱西山先生明嘉靖九年從祀國朝雍正二年復祀

西廡

東嚮共祀二位

先儒張迪

載父宋仁宗朝知涪州國朝雍正二年從祀

先儒朱松

字喬年號韋齋熹父累贈通議大夫元至正二十一年諡獻靖明嘉靖九年從祀國朝雍正二年復祀

雍正元年

冊封孔子先世五代俱為王

上諭內閣禮部曰

至聖先師孔子道冠古今德參天地樹百王之模範立萬世之宗師其為功於天下者至矣而水源木本積厚流光有開必先克昌厥後則聖人之祖考宜膺崇厚之褒封所以追溯前徽不忘所自也粵稽舊制孔子之父叔梁公宋真宗時追封啟聖公自宋以後歷代遵循而叔梁公以上則向來未加封號亦未奉祀祠庭朕仰體皇考崇儒重道之盛心敬修崇德報功之典禮意欲追封五代堃享丞嘗用伸景仰之誠庶慰羹牆之慕內閣禮部會同確議具奏禮臣以俱封公爵議奏奉

上諭五倫爲百行之本天地君親師人所宜重而天地君親之義賴師教以明自古師道無過於孔子誠首出之至聖也我

皇考崇儒重道超軼千古凡尊崇孔子典禮無不備至朕

蒙

皇考教育自幼讀書心切景仰欲再加尊崇更無可增之

處故敕部追封孔子以上五代今部議封公上考前代帝

王皆有推崇之典唐明皇封孔子爲文宣王宋真宗加封

至聖文宣王封聖父叔梁紇爲齊國公元加封孔子爲大

成至聖文宣王加封齊國公爲啟聖王明嘉靖時猶以王

係臣爵改稱爲至聖先師孔子改啟聖王爲啟聖公王公

雖俱屬尊稱朕意以爲王爵較尊孔子五世應否封王之

處著諸大臣具奏遵

旨議定五代妣追封爲王爵

木金父公爲肇聖王

祈父公爲裕聖王

防叔公爲詒聖王

伯夏公爲昌聖王

叔梁公爲啟聖王其啟聖祠係專祀叔梁公故以啟聖爲

名今

聖朝異數合祀五代應更名爲崇聖祠春秋致祭之儀俱各照啟聖王例通行天下

附明成化間少詹事程敏政奏自唐宋以來以顏子曾子子思孟子配享坐堂上而顏子之父顏無繇曾子之父曾點子思之父孔鯉皆坐廡下臣考之禮子雖齊聖不先父會而三代之學皆所以明人倫也夫孔子之所以爲教與諸弟子之所以爲學者不過明此而已今乃使子坐於上父坐於下豈禮也哉若以爲此乃論傳道之功則自古及今未有外人倫而言道者縱出於後世之尊崇非諸賢之本意恐諸賢冥冥之中必有不安於心而不敢享非禮之祀者臣考之至順三年嘗封顏無繇爲杞國公孟子之父孟孫氏亦嘗封邾國公臣愚乞下有司於各處廟學別立一祠中祀啟聖王以杞國公顏無繇萊蕪侯曾點泗水侯孔鯉邾國公孟孫氏配享庶不失以禮尊奉聖賢之意臣又觀聖學失傳千五百年至程朱出而後孟氏之統始續則程朱之先亦不可缺况程子之父大中大夫封永年伯程珦首識濂溪周子於屬掾之中薦以自代而又使二子從游朱子之父韋齋先生追謚獻靖公朱松臨歿之時以朱子託其友籍溪胡氏而得程氏之學珦以不附王安石新法退居



於洛松以不附秦檜和議奉祠於閩其歷官行已俱有稱述臣愚乞將永年伯程珦獻靖公朱松從祀啟聖王使學者知道學之傳有開必先明倫之義不為虛文釋奠禮樂

禮器

承牲以俎承帛以筐書祝文則用版裸獻之器曰爵曰斝縮酒之器曰茅沙池盛酒醴之器曰太尊曰犧尊曰象尊曰山尊曰雷尊曰著尊曰壺尊曰彝酌酒之器曰勺置爵之器曰坫盛食品之器曰登曰鉶曰簋曰簠曰籩曰豆用以蒸香者曰香鼎用炳蕭脂者曰燔鑪用以然照者曰燭檠曰庭燎用以滌濯盥洗者曰罍曰洗用以皮祭器者曰案曰几

陳設

乾隆十八年內閣會典館議定奏準先師四配祭品盡仍舊制十二哲東西各加少牢一案兩廡各少牢三案各香帛一案

先師位前禮神制帛一色白磁爵二初獻爵在中亞獻於左終獻於右於近神

位在饌案登之北牛一羊一豕一牛用饋居中左羊右豕皆載以

為饌案登一用薦太羹居簋二用盛黍稷簠二用盛稻粱鉶二用薦和

簠左再左為籩一實以形鹽鱸魚棗栗榛豆十實以在簋右再右為豆實以鹿脯白餅黑餅

彭縣志 卷十 政事 學校 三十

醢醢菁菹鹿醢芹菹兔醢荀菹魚醢脾析豚拍酒尊一 四配每位禮神制帛一

白磁爵三羊一豕一簋二簋二劔二邊八視上減白餅黑餅豆八

視上減牌析豚拍酒尊一 十二哲東六位六案禮神制帛各一

白磁爵各一羊一豕一簋各一盛簋各一盛劔各一邊各

四實以形鹽豆各四實以菁菹鹿醢芹菹兔醢西六位六案如之東西

共酒尊一 東廡三壇禮神制帛一 銅爵各一羊三豕三

酒尊三簋各一簋各一邊各四豆各四西廡亦如之

崇聖祠正位五案每位禮神制帛一 白磁爵三羊一豕一

簋二簋二劔二邊八豆八酒尊一 配位每位禮神制帛

一 銅爵三羊一豕一簋一簋一邊四豆四酒尊一 兩廡

每廡禮神制帛一 銅爵各三羊一豕一簋一簋一邊四豆

四酒尊一

樂器

金之屬有編鐘有鋪石之屬有編磬絲之屬有琴有瑟竹屬有排簫有洞簫有笛有箴有管匏之屬有笙土之屬有塤革之屬有鼗鼓有楹鼓有足鼓有搏拊有相鼓有鼗鼓有提鼓木之屬有祝有敔有拍板舞之器曰籥曰翟引樂之器曰麾引舞之器曰節

樂章

春祭夾鍾為宮倍應鍾起調秋祭南呂為宮仲呂起調

迎神

咸平 無舞

大哉孔子

先覺先知

與天地參

萬世之師

祥徵麟紘

韻答金絲

日月既揭

乾坤清夷

初獻

甯平 有舞

予懷明德

玉振金聲

生民未有

展也大成

俎豆千古

春秋上下

清酒既載

其香始升

亞獻

安平 有舞

式禮莫愆

升堂再獻

響協鼗鏞

誠孚罍鬯

肅肅雍雍

譽髦斯彥

禮陶樂淑

相觀而善

終獻

景平 有舞

自古在昔

先民有作

皮弁祭菜

於論思樂

惟天牖民

惟聖時若

彝倫攸叙

至今木鐸

徹饌

咸平 無舞

先師有言

祭則受福

四海贊宮

疇敢不肅

禮成告徹

毋疏毋瀆

樂所自生

中原有菽

送神

咸平 無舞

鳧繹峩峩

洙泗洋洋

景行行止

流澤無疆

聿昭祀事

祀事孔明

化我蒸民

育我膠庠

右

高宗純皇帝欽定樂章凡

國朝樂章皆以平名合樂一字一音以復於古其舊樂章

亦附載以備考

迎神 咸平 無舞

大哉至聖 峻德宏功 敷文衍化 百王是崇  
典則有常 昭茲辟雍 有虔籃簋 有嚴鼓鐘

初獻 甯平 有舞

覺我生民 陶鑄前聖 巍巍泰山 實予景行  
禮備樂和 豆籩惟靜 既述六經 爰斟三正

亞獻 安平 有舞

至哉聖師 天授明德 木鐸萬世 式是羣辟  
清酒維醕 言觀秉翟 太和常流 英材斯植

終獻 景平 有舞

猗歟素王 示予物軌 瞻之在前 神其甯止  
酌彼金罍 惟清旦旨 登獻既終 弗遐有喜

徹饌 咸平 無舞

璧水淵淵 崇牙業業 既歆宣聖 亦儀十哲  
聲金振玉 告茲將徹 饜假有成 羹牆靡悒

送神 咸平 無舞

煌煌學宮 四方來宗 甄陶胄子 暨予微躬  
思皇多士 敷奏厥功 佐予永清 三五是隆

欽定文廟祝文

維年月日具官某致祭於

至聖先師孔子曰維

先師德隆千聖道冠百王揭日月以常行自生民所未有

屬

聖教昌明之會正禮和樂節之時辟雍鐘鼓咸恪薦於馨

香泮水膠庠益致嚴於籩豆茲當春秋仲祗率彝章肅

展微忱聿將祀典以

復聖顏子 宗聖曾子 述聖子思子 亞聖孟子

配尚

饗

欽定孔子先代五王祭文

維年月日具官某致祭於

肇聖王

裕聖王

詒聖王

昌聖王

啟聖王曰維

王奕葉鍾祥光開聖緒盛德之後積久彌昌凡聲教所覃

敷率循源而溯本宜肅明禮之典用申守土之忱茲

屆仲春秋聿修祀事配以

先賢顏氏 先賢曾氏 先賢孔氏 先賢孟孫氏

尚

饗

儀注

正殿縣學例以本縣知縣主祭前期主祭官及僚屬皆致齋二日用白紙糊版墨書祝文主祭官親筆填名具

補服設儀仗前導捧送神庫案上安設一跪三叩首退省  
牲監宰併瘞毛血祭日丑前五刻執事者陳幣篚祝版及  
各祭器掌饌者實饌具各官皆朝服入兩旁門序立引贊  
引主祭官至盥洗處盥手畢引至臺階下立通贊唱執事  
者各司其事主祭官就位分獻官陪祀官各就位唱迎神  
乃舉迎神樂奏咸平之章樂作唱行三跪九叩首禮與樂  
止唱行初獻禮舉初獻樂奏南平之章樂作引贊引主祭  
官由東階上詣  
至聖先師孔子位前贊跪主祭官跪贊奠帛捧帛者跪進  
主祭官受帛拱舉獻畢贊獻爵執爵者跪進主祭官受爵  
拱舉獻畢贊叩興主祭官行一跪一叩禮與引贊引詣讀  
祝位樂止贊跪主祭官及分獻陪祀各官皆跪贊讀祝讀  
祝者讀畢樂作贊叩興主祭官及各官皆行三叩首禮與  
引贊以次引主祭官詣四配神位前各處皆贊跪奠帛  
獻爵叩興與十二哲兩廡分獻官亦俱照主祭官行  
禮畢引贊引復位各官皆復位立樂止通贊唱行亞獻禮  
舉亞獻樂奏安平之章樂作引贊引奠帛獻爵如初獻儀  
各官復位樂止通贊唱行終獻禮舉終獻樂奏景平之章  
樂作引贊引奠帛獻爵如亞獻儀各官復位樂止通贊唱  
飲福受昨引贊引主祭官詣飲福受昨位贊跪飲福酒受

昨肉叩興復位次行謝福昨禮通贊唱各官俱行三跪九  
叩首禮興唱徹饌舉徹饌樂奏咸平之章樂作徹訖樂止  
唱送神舉送神樂奏咸平之章樂作復唱行三跪九叩首  
禮興樂止唱捧祝帛各恭詣燎位祝文在前帛次之俱送  
至燎位焚祝帛通贊唱禮畢乃各退

崇聖祠

縣學例以本學教諭主祭每春秋二仲祭期皆先  
祭崇聖祠引贊引主祭官盥洗畢通贊唱執事者

各司其事主祭官就位陪祭官各就位乃唱迎神唱三跪  
九叩首禮興唱行初獻禮引贊引主祭官詣  
肇聖王位前贊跪贊奠帛贊獻爵贊叩興以次詣  
各王位前皆如前儀畢引詣讀祝位贊跪贊讀祝贊叩興  
主祭官行一跪一叩首禮興乃以次詣  
前儀畢贊復位主祭官復位立通贊唱行亞獻禮又唱行  
終獻禮儀皆如初獻唱徹饌唱送神復唱行三跪九叩首  
興捧祝帛恭詣燎位俟捧祝帛者依次送至燎位贊唱望  
瘞引贊引主祭官望  
瘞焚祝帛禮畢各退

欽定大清會典直省府州縣歲以春秋仲月上丁祭

先師於頴宮會城以督撫學政將事司道府縣分獻學政  
 巡試屬郡及道官之分駐各府者即於其地將事以府州  
 縣分獻餘以正官將事佐貳分獻監禮以師儒贊引執事  
 以生員中和韶樂羽籥之舞及牲登鉶簠簋籩豆尊爵之  
 數將事之儀均如


太學丁祭禮 直省府州縣附廟左右各建忠孝節孝名  
 宦鄉賢四祠歲春秋釋奠禮畢教諭一人公服詣祠致祭  
 各帛一羊一豕一籩四豆四尊一爵三讀祝望燎承祭官  
 行三叩禮如儀

祭祀陳設圖

禮神帛一段白色

芡 麇 臠 麇 麇  
 籩 栗 榛 麥  
 籩 棗 棗 麥

至聖先師孔子



筐帛俎牛 羊 燭  
 豕 燭 香

豆 薑 醢 醢  
 籩 醢 醢 醢  
 醢 醢 醢 醢


政事 學校

祀卓

禮神帛一段白色

四配


饌卓



古禮四

禮神帛一段白色

十二哲




政事 學校




東西各三壇  
禮神帛東廡共一段西廡共一段白色

兩廡



每位一案  
禮神帛各一段  
白色

崇聖祠




政事 學校

祀

祀


禮神帛每位各一段白色

配位



每段可

兩廡



政事 學校

名宦祠

祠一間在明倫堂後尊經閣之右祀歷朝名宦

宋

縣令吳茹公

梁

縣令何思澄

唐

縣令庾仲容

縣令薛稷

縣令李子偁

宋

知縣鮮于侁

知縣汪澥

縣尉洪造

元

總管李賢翼

縣尹周希濂

明

知縣王虎

知縣郭衡

縣丞黃彪

知縣王時中

知縣胡拱辰

知縣葉斌

知縣董復

知縣江澂

知縣吳一貫

知縣陳九疇

知縣劉檣

知縣魏元吉

知縣周舜岳

知縣謝廷傑

教諭陳良珍

教諭劉時可

訓導彭泮

知縣戴洪謨

知縣屠存仁

知縣胡應詔

國朝

兩江總督馬鳴珮

徽寧道王緒

河道陳鵬年

江南學政余正健

知縣孫維龍

鄉賢祠

祠一閒在明倫堂後名宦祠之右祀歷朝鄉賢

梁

太常卿胡明星

宋

工部郎中孫抗

顯謨閣直學士程邁

直秘閣侍御史黃葆光

通判睦州俞康直

諫議大夫盧臣忠

簽書樞密院汪勃

華文閣直學士新安郡侯諡莊節程叔達

戶部侍郎撫尚書汪綱

明

江西道監察御史汪景明

廣東左布政使王俊得

祁州知州余徽

遂昌縣知縣汪濯

刑部貴州司主事王仕得

崇安縣知縣余衍

歸德州知州汪明

建昌府經歷余循

封四川道御史舒子儲

四川道監察御史巡按湖廣贈太常寺卿舒榮都

國朝

澂江府知府黃元治

忠義孝弟祠

祠三間在訓導署土地祠之右祀忠孝節義

明

孝義汪葵

孝義汪文保

孝義舒志道

孝義孫顯爵

理學名儒孫濟聘

兵科給事中韓如愈

國朝

義烈江雷

孝義胡英

孝義舒文肅

孝子倪廷松

孝子胡紳

福建縣丞余俊

欽定大清會典直省府州縣成立忠義孝弟祠祠內設本鄉忠臣義士孝子悌弟各牌位所在有司歲以春秋致祭用帛一羊一豕一爵三尊一承祭官行禮儀與祭省會賢

良祠同

節孝祠

祠三間在城隍山舊學址東祀節婦姓氏另載節孝門  
欽定大清會典八旗左右翼及直省郡縣均立節孝祠婦  
女以節孝貞烈被旌者已故設牌位於祠有司春秋致祭  
陳設禮儀均與祭忠義孝弟祠同

文昌閣

閣在明堂池騰蛟坊之左高二層祀文昌於其上

魁星樓

樓在明堂池之東偏高二層祀魁星於其上

土地祠

祠一間在訓導署之右


泮池

池在戟門外跨以石橋環以石欄又有明堂池在櫺星門  
外池南為案山山平如案環繞於池邑人士以明堂狹隘  
案山雜以民居無以展尊崇而興多士嘉慶三年知縣鄒  
杰勸捐民田以廣明堂復勸闔邑捐買民居及地以平案  
山而規模視前較為闊敞矣

文峯塔

塔高七層在黛峯上乾隆五十五年建

文卷一  
山前與縣城相連  
山前與縣城相連  
山前與縣城相連  
山前與縣城相連  
山前與縣城相連  
山前與縣城相連  
山前與縣城相連  
山前與縣城相連  
山前與縣城相連  
山前與縣城相連



明倫堂

大成殿之左堂三楹東西廊各三間  
為正門二重各三閒門前為明堂池

東西廊嘉慶十五年六都捐建廊前

鐘一縣在堂左

鼓一架在堂右

順治九年禮部頒行臥碑

朝廷建立學校選取生員免其丁糧厚以廩膳設學院學  
道學官以教之各衙門官以禮相待全要養成賢才以供  
朝廷之用諸生皆當上報

國恩下立人品所有教條開列於後

一生員之家父母賢智者子當受教父母愚魯或有非爲者子既讀書明理當再三懇告使父母不陷於危亡

一生員立志當學爲忠臣清官書史所載忠清事蹟務須互相講究凡利國愛民之事更宜留心

一生員居心忠厚正直讀書方有實用出仕必作良吏若心術邪刻讀書必無成就爲官必取禍患行害人之事者往往自殺其身常宜思省

一生員不可干求官長結交勢要希圖進身若果心善德全上天知之必加以福

一生員當愛身忍性凡有司官衙門不可輕入卽有切己之事止許家人代告不許干與他人詞訟他人亦不許牽連生員作證

一爲學當尊敬先生若講說皆須誠心聽受如有未明從容再問毋妄行辨難爲師亦當盡心教訓勿致怠惰

一軍民一切利病不許生員上書陳言如有一言建白以違制論黜革治罪

一生員不許糾黨多人立盟結社把持官府武斷鄉曲所作文字不許妄行刊刻違者聽提調官治罪

御製學校論 康熙二十三年

治天下者莫亟於正人心厚風俗其道在尚教化以先之



學校者教化所從出將以納民於軌物者也是以古者家有塾黨有庠術有序國有學人生八歲自王公以下至於庶人之子弟皆入小學及其十有五年則自元子眾子以至公卿大夫元士之適子與凡民之俊秀皆入大學蓋自家至於國莫不有學自天子至於庶人莫不學自幼至於長莫不皆學凡學有詩書禮樂以爲之本干戈羽籥以爲之文父子君臣長幼之道於是焉觀之六德六行之教於是焉取之所以淑其耳目手足之舉措而養其心以復其性以爲修己治人之大者可謂備至矣是以當時之君子履信思順以事其上小人亦皆樂循禮而恥犯法侯撻不事而至治以興後世學校浸廣博士之途浸繁所以立教之方失先王之遺意士之遊其中者直以爲利祿之階欲期道德之一詎不難哉且夫今之所謂教者誦讀焉而已爾而又弗實致其力以防其放僻邪侈之心使氣之充而識之明以漸求復其性其何以爲修己治人之道哉故曰教隆於上化行於下教不明於上而欲化成於下猶却行而求前也教化者爲治之本學校者教化之原欲敦隆教化而興起學校者其道安在在務其本而不求其末尚其實而不務其華以內行爲先不汲汲於聲譽以經術爲要不屑屑於文辭如是則於聖人化民成俗之道庶乎其有

當也夫

御製訓飭士子文

康熙四十一年

國家建立學校原以興行教化作育人材典至渥也朕臨御以來隆重師儒加意庠序近復慎簡學使釐剔弊端務令風教修明賢才蔚起庶幾棧樸作人之意乃比來士習未端儒效罕著雖因內外臣工奉行未能盡善亦由爾諸生積錮已久猝難改易之故也茲特親製訓言再加警飭爾諸生其敬聽之從來學者先立品行次及文學學術事功原委有敘爾諸生幼聞庭訓長列宮牆朝夕誦讀甯無究心必也躬修實踐砥礪廉隅敦孝順以事親秉忠貞以立志窮經考業勿雜荒誕之談取友親師悉化驕盈之氣文章歸於醇雅毋事浮華軌度式於規繩最防蕩佚子衿挑達自昔所譏苟行止有虧雖讀書何益若夫宅心弗淑行已多愆或蜚語流言挾制官長或隱糧包訟出入公門或唆撥姦猾欺孤凌弱或招呼朋類結社邀盟乃如之人名教不容鄉黨勿齒縱幸脫褫扑濫竊章縫反之於衷甯無愧乎况乎鄉會科名乃掄才大典關係尤鉅士子果有真才實學何患困不逢年顧乃標榜虛名暗通聲氣夤緣詭遇罔顧身家又或改竄鄉貫希圖進取囂凌騰沸網利營私種種弊端深可痛恨且夫士子出身之始尤貴以正

若茲厥初拜獻便已作奸犯科則異時敗檢踰閑何所不至又安望其秉公持正爲國家宣猷樹績膺後先疏附之選哉朕用嘉惠爾等故不禁反復惓惓頌茲訓言爾等務共體朕心恪遵明訓一切痛加改省爭自濯磨積行勤學以圖上進國家三年登造束帛弓旌不特爾身有榮卽爾祖父亦增光寵矣逢時得志甯俟他求哉若仍視爲具文玩愒勿傲毀方躍冶暴棄自甘則是爾等冥頑無知終不能率教也旣負栽培復干咎戾王章具在朕亦不能爲爾等寬矣自茲以往內而國學外而直省鄉校凡學臣師長皆有司鐸之責者尅宜傳集諸生多方董勸以副朕懷否則職業弗修咎亦難追勿謂朕言之不預也爾多士尚敬聽之

御製正士習論

乾隆五年

士爲四民之首而太學者教化所先四方於是觀型焉比者聚生徒而教育之董以師儒舉古人之成法規條亦旣詳備矣獨是科名聲利之習深入人心積重難返士子所以汲汲皇皇者惟是之求而未嘗有志於聖賢之道不知國家以經義取士使多士由聖賢之言體聖賢之心正欲使之爲聖賢之徒而豈沾沾焉文藝之末哉朱子同安縣諭學者云學以爲己今之世父所以詔其子兄所以勉其

弟師所以教其弟子弟子之所以學舍科舉之業則無爲也。使古人之學止於如此則凡可以得志於科舉斯已爾。所以孜孜焉愛日不倦以至於死而後已者果何爲而然哉。今之士惟不知此以爲苟足以應有司之求矣。則無事乎汲汲爲也是以至於惰游而不知反。終身不能有志於學而君子以爲非士之罪也。使教素明於上而學素講於下則士者固將有以用其力而豈有不勉之患哉。諸君苟能致思於科舉之外而知古人之所以爲學則將有欲罷不能者矣。觀朱子此言誠古今通患夫爲己二字乃入聖之門知爲己則所讀之書一一有益於身心而日用事物之間存養省察闇然自修世俗之紛華靡麗無足動念何患詞章聲譽之能奪志哉。况卽爲科舉亦無礙於聖賢之學。朱子云非是科舉累人人累科舉若高見遠識之士讀聖賢之書據吾所見爲文以應之得失置之度外雖日日應舉亦不累也。居今之世雖孔子復生也不免應舉然豈能累孔子也。朱子此言卽是科舉中爲己之學誠能爲己則四書五經皆聖賢之精蘊體而行之爲聖賢而有餘不能爲己則雖舉經義治事而督課之亦糟粕陳言無裨實用。浮僞與時文等耳。故學者莫先於辨志志於爲己者聖賢之徒也志於科名者世俗之陋也。國家養育人材將用

以致君澤民治國平天下而囿於積習不能奮然求至於聖賢豈不謬哉朕膺君師之任有厚望於諸生適讀朱子書見其言切中士習流弊故親切爲諸生言之俾司教者知所以教而爲學者知所以學欽此

御製正文體諭

乾隆十四年

國家設科取士首重者在四書文蓋以六經精微盡於四子書設非讀書窮理篤志潛心而欲握管揮毫發先聖之義蘊不大相逕庭耶我

皇考有清真雅正之訓朕題貢院詩曰言孔孟言大是難乃古今之通論非一人之臆說也近今士子以科名難倖獲或故爲艱深語或矜爲排儷辭爭長角勝風簷鎖院中偶有得售彼此倣效爲奪幟爭標良技不知文風日下文品益卑有關國家掄才鉅典非細故也夫古人論文以渾金璞玉不雕不琢爲比未有穿鑿支離可以傳世行遠者至於詩賦揆藻敷華雖不免組織渲染然亦必有真氣貫乎其中乃爲佳作今於四書文採綴詞華以示淹博不啻於孔孟立言本意相去萬里矣先正具在罔識遵從習俗難化職此之故自今其令各省督學諸臣時時訓飭鄉會考官加意區擇凡有乖於先輩大家理法者擯棄勿錄則詭遇之習可息士風還淳朕有厚望焉該部通行曉諭內

外知之欽此

尊經閣

明倫堂後閣三間右為教諭署

閣內藏書目

聖諭廣訓

上諭一部四函又一部二冊

周易折中

書經傳說彙纂

詩經傳說彙纂

春秋傳說彙纂

三禮義疏

御論講章

御製墨寶

性理精義

日知蒼說

學政全書三部

南巡盛典

皇清雅頌序

清漢對音

十三經注疏全

皇清雅頌序

皇清雅頌序

皇清雅頌序

皇清雅頌序

皇清雅頌序

皇清雅頌序

皇清雅頌序

皇清雅頌序

皇清雅頌序

皇清雅頌序

皇清雅頌序

皇清雅頌序

皇清雅頌序

皇清雅頌序

皇清雅頌序

皇清雅頌序

皇清雅頌序

皇清雅頌序

皇清雅頌序

皇清雅頌序

四書解義

文廟碑文

平定金川碑文

朱子全書

駁呂留良四書講義

則例二部

唐宋詩醇

鄉會墨選

捕挖蝗蝻章程

二十二史全

政事

學校

學校

學校

學校

學校

學校

學校

學校

學校

武英殿聚珍板書二函

學額

自有明來學校設額取士黟於徽州爲中學  
國朝康熙年間定額十六名雍正元年欽奉

恩詔凡人文最盛之地大學照府學取入中學照大學小學照中學時黟之應童試者且千人督學法海視學江左  
亟賞黟文入府庠者五人猶以額滿爲嘆由是督撫會同  
學臣遵

旨核實題準安徽所屬由大學照府學錄取者六州縣各  
取進二十五名由中學改爲大學者二十州縣各取進二  
十名由小學改爲中學者九縣各取進十六名黟邑定額  
取進二十名永著爲令

教諭署

在崇聖祠之東堂三間前廊三間堂之後屋三間廚房一  
間堂之東爲聽鶯樓又東爲尊經閣

訓導署

在崇聖祠之西堂三間前廊三間堂之後屋三間又書房  
三間堂之西屋三間廚房一間又西爲忠義祠

學租

一土名魚鱗塲田租二十租

一土名江家井田租三租

一二都章溪田租共五十六租十劬今減去四租十劬實收五十二租

一四都西武嶺脚田租五租

一五都琉璃菴山脚田租共七租二劬八兩

一五都赤嶺田租六租十三劬六兩銀三錢三分三釐

一五都南山脚下田租九十租付四禮生二十租門斗四租

一七都朱家塢田租共五十一租十劬

以上共二百三十五租五劬十四兩

前明邑人舒橦周光於萬曆年間捐租一百六十九租十

劬又明教諭陳熙捐俸置土地祠租二十租又邑人李之

虬於

國朝康熙年間捐租六十九租其立碑於明倫堂

泮池案山輸買稅業

乾隆十九年城南舒廷璉輸田稅八釐

嘉慶二年契買蔡何文田稅一畝四分五釐

三年城南舒萬三輸田稅三分

桂林程清等輸田稅一畝三分五釐

郭隅胡彥本輸田稅八分

四年契買吳天明地稅壹分

舒景雲輸地稅壹分四釐



七年契買程致祥地稅四畝二分

四半契買吳天與地稅無幾

林林

三

與

與

與

與

與

與

書院義學 附會館

元至正十一年黃村黃真元蠲租六百三十餘畝立義莊

曰厚本內建義學曰集成書院婺源汪澤民記見藝文志

所以教其族中子弟者也其時民間得立社學明洪武時

勘定縣城及鄉計社學十三所正德時儒學自城南移於

城隍山嘉靖四十二年知縣謝廷傑即舊學址建碧陽書

院改明倫堂為正經堂堂後為靜觀樓上設龕祀朱子前

為儀門兩翼為號舍中有會饌堂

孫志云在靜觀樓下

記見藝文志七都魚亭有中天書院明諸儒講學處五都

林厯山有淋瀝書院諸生講書處與碧陽書院天啟時俱

爲魏璫所毀崇禎閒修復碧陽七都人余心於石墨嶺建桃源書院名時習堂後亦傾塌

國朝康熙二十二年於迎靄門外建義學先是城南有義學至是移建焉乾隆時桂林程氏置義學屋一所於縣治西俱已廢時儒學復移城南碧陽書院撤知縣孫維龍議於迎靄門外坎裏建橫江書院四都孫本梓裔方捐買屋基而孫公調任去議不果成嘉慶十三年邑人議建潯陽書院于潘山地險不成知縣吳甸華蒞任相度書院地惟舊議橫江址最吉遂建碧陽書院前此西遞胡學梓願輸白金五千兩作建潘山潯陽書院費及碧陽有成議邑人

其議學梓子尙燊董其事始十三年十二月逮十六年七月書院成計基地崑字號山稅一畝五分又二畝五分又一畝一分又三畝又九分六釐六毫七絲又二分四釐又一畝六分又六畝地稅四分五釐田稅六分六釐又一分又四釐又一畝一分又七分岡字號地稅一畝二分輸賣皆有契書院柵門面甲柵門內右行爲明塘右爲延靄堂爲官所中路爲大門三楹上爲朱子祠三楹又上三楹爲講堂又上三楹爲章齋先生祠祠左爲衛道奉官此土與文毅者右爲衍緒祀邑先哲有儒行者大門左隔巷東爲敬義堂五楹西爲致知堂十四楹西爲觀善堂三層計九

楹又左隔巷東爲崇教祠西爲廚又西爲格物堂二十二楹北出爲梅園大門右隔巷東爲修身堂西爲正心堂又西爲誠意堂皆十四楹又西爲廚凡祀禮以春秋會藝以月之初五二十爲大課十三二十八爲小課山長以邑人公議延請經費由典商領本生息官吏俱不爲經理師儒之任由儒學監院鈐榜院中司事二人由公舉司匣每都一人各舉院中肄業者正額生監四十人童生二十人膏火正額月銀二兩正額之外相時公議凡肄業者由學政挑送有餘缺以文高試名在前者補規條多仿古紫陽書院例通詳立案並勒之石

雲門書屋在三都黃陂汪氏建并建文峯塔於其側歲時子弟課文於其中胡郎中克家記見藝文志

西園書屋在五都南屏村心里人葉華年建爲其族中肄業課文之所姚郎中鼎記見藝文志

靄門書屋在一都大寬段嘉慶九年眾姓建爲大寬段子弟肄業之所徐訓導光年記

會館

會館在京城宣武門外南半截衚衕屋三十四楹乾隆五十九年置汪給諫日章記見藝文志

黟縣續志

道光五年

義學

以文家塾在十都宏村南湖上嘉慶十九年汪氏建并建  
光烈祠祀唐越國公汪華

雙溪書屋在五都雙溪余氏建為會文之所其東有飛雲  
閣層檐聳翠前縣施君源詩最愛余家書閣上八窓納盡  
遠山青見藝文志

坊表

科第坊在學為本縣歷科舉人進士題名立

儒林坊在學前知縣陳九疇立

騰蛟起鳳二坊在學前左右

進士坊有六一為永樂二年進士汪景明一汪彥純一胡

文郁一為永樂四年進士汪澍一為永樂十三年進士

王俊得一為永樂十六年進士王圭立

進士第坊為成化二十三年進士汪璿立

柱史坊為嘉靖十四年御史舒遷立

運使坊為嘉靖三十八年運使汪如海立

登瀛坊為永樂十八年舉人余徽立

丹桂坊為天順六年舉人余衍立

聚奎坊為成化四年舉人余莊立

世顯坊在一都為余氏科貢題名立

繼錦坊為成化十九年舉人汪應立

父子郎中坊在郭門外為山東參正許天贈及其父贈南

京戶部郎中許時立

薦繡坊在九都為御史舒榮都立

刺史坊在二都為鄧州知州江雲梯立

青雲坊在三都為分宜知縣汪樹立

牧侯坊在三都為遂昌知縣汪灌立

繡斧坊在橫岡為御史汪景明舉人汪仲瀚立

大夫坊在六都為膠州知州胡文光立

畫錦坊在六都為樂昌知縣吳景温立

步蟾坊在八都為廣東布政王俊得立

重光坊在九都為汀州通判舒希旦即墨知縣舒侃立

折桂坊在九都為永樂九年舉人舒泰立

儒裔坊在九都為蘄州判官朱貞立

善和坊在八都為河間經歷汪智立

孝子坊一在七都乾隆三年為孝子倪廷松立一在六都

西遞乾隆四十一年為孝子胡紳立

尚義坊一為胡彥本一為胡志廣一為汪廷珍一為孫昌

一為吳仲遠立

義烈坊在二都乾隆十七年為江雷立

百歲坊舊一在二都胡宗萬妻汪氏立新一在四都西武

嶺方世華妻程氏立

貞女坊舊五一為三都汪成魁未婚妻韓氏一為四都孫


世洪未婚妻吳氏一為六都胡士登未婚妻汪氏一為

九都朱家英未婚妻汪氏一為十一都盧容未婚妻葉

氏新一為汪伯應未婚妻舒氏一為六都西遞孝烈


女胡氏一為九都舒朝綱未婚妻汪氏

節婦坊俱散載各節婦本傳下





黔縣志  
卷十  
五九



70001073

